

IMAQARNILIAQ AIA - Aningaasaqarnermut Inuussutissarsionermullu Ataatsimiititaq 09-05-2023

Ulloq ataatsimiiffissaq Tirsdag 09. maj 2023 kl. 16:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
2023-mut missingersuutit pillugit isummaqatigiissummi anguniakkanut takussutissiaq.....	6
Illoqarfinnut periusissiat pillugit ilisimatitsissut.....	8
Kommuneqarfik Sermersuumi nunaqarfinnik ineriartortitsinissamut pilersaarummi politikikkut ang	11
Tasiilami sanaartormik ilisimasalik.....	16
2023-mi Eqqakkat pillugit malittarisassat tusarniaassutigineqarneri.....	19
Kommunip ingerlatseqatigiiffiini ataatsimeersuarneq 2023.....	22
Ilassutitut aningaasaliissutit nuussinissallu 2023.....	25
Nuup avataani innuttaasut siunnersuutaannik taasinerit killilerlugit amerlassusilerneqarnerannik all	28
Iluarsiissuteqarneq, Kommunimut pilersaarummut tapiliusseq N1-1 - nunaannarmi Utoqqarmiut K&	31
Kommunimut pilersaarummut tapiliusseq 19B1 aamma 19B2 Qeqertarsuatsiaani Inuusutissarsiorf	34
2023-mi Pilersaaruseriornermi periusissatut siunnersuut.....	38
Kommunimut pilersaarummut tapiliussassatut siunnersuut 1C26-2 Hotel Tuapannguit, Nuuk, pillug	42
Nuummi akunnittarfiit inissisimaffii.....	45
Kommunimut pilersaarummut tapiliussap 2B1-2 Industrivej, Nuuk inaarutaasumik akuersissutiginn	48
Pilersaarutitut siunnersuutip Nuna Immikkoortoq Nutaaq inaarutaasumik akuersissutigineqarnera...	51
Nuup illoqarfiani sumiiffik aqquuserngillu taaguusersorneqartussat.....	56
Sumiiffiit Aqquuserngillu Taaguutaannik Siunnersuisoqatigiinnut ilaasortanik qinersineq.....	59
Paamiuni illut tuniniarneqartut pisiarinissaanut siunnersuut.....	62
Paamiunut akisussaaffimmik tunniussinissaq pillugu siunnersuut - ikiorsiissutit, utoqqalerisut, inna	64
Lukket.....	67
Lukket.....	68
Lukket.....	69
Lukket.....	70
Lukket.....	71
Lukket.....	72
Tamalaat.....	73
Imaqarniliap akuerineqarnera.....	74

Punkt .: Saqqaa

Ilaasortat

Avaaraq S. Olsen (IA) *siulittaasoq*

Juaaka Lyberth (IA)

Uju Petersen (IA)

Justus Hansen (D)

Ken Madsen (N)

Inga Dóra G. Markussen (S)

Dorthe-Marie Mogensen-Fontain (S)

Beslutning

Ataatsimeeqataasut:

Avaaraq S. Olsen (IA) *siulittaasoq*

Juaaka Lyberth (IA)

Uju Petersen (IA)

Inga Dóra G. Markussen (S)

Attaveqaatitigut peqataasut:

Justus Hansen (D)

Ken Madsen (N)

Dorthe-Marie Mogensen-Fontain (S)

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Siulittaasup Avaaraq Olsen-p (IA) nalunaarutai:

Paamiunut angalaneq

Ulloq maajip aallaqqaataani ualikkut kommunitisinni pisortaqatigiit peqatigalugit Paamiunut ullunik marlunnik angalaneq pillugu nalunaaruteqarpoq. Paamiuni pissutit qanimut takuniarneqarlutik paasinianeqarput.

Tikeraarnermi sammisat assingiitsorpasuit tikinneqarput, soorlu inuttut ineriartornermut sakkussat, aalisarneq eqqarsaatigalugu inuiaqatigiittullu tulluussimaarneq eqqarsaatigalugu suliniuteqarnissaq aamma qaqinneqarsimasut oqaatigaa.

Royal Greenland suleqatiginissaannut piffissami aggersumi aaqqissuunneqassasoq nalunarutigaa.

Taamatuutaq ineriartortitsinissamut piukkunnaatit, aammalu sulisunut inissat eqqaaneqarsimasut nalunaarutigaa.

Københavns kommunimiit Illoqarfiit akornanni kamaginnikkumaneq

Københavns kommunimiit Illoqarfiit akornanni kamaginnikkumaneq pillugu saaffiginnissummik tigusaqarsimaneq pillugu nalunaaruteqarpoq. Torshavn kommune aamma saaffigineqarsimasoq nalunaarutigaa. Tamanna kingusinnerusukkat Kommunalbestyrelsimut oqaluserisassanngorlugu saqqummiunneqarnissaq nalunaarutigaa.

Sanaartornermut Avatangiisinullu Ingerlatsivimmi pisortaq nutaaq

1. juuni aallarnerfigalugu Sanaartornermut Avatangiisinullu Ingerlatsivik nutaamik pisortaanertaarnissaa nalunaarutigaa. Atorfinitinneqartoq tassaavoq Søren Pedersen 41-nik ukiulik, Tusass A/S-imi Facilities & Energi-p immikkoortortaarfiani pisortatut atorfeqarsimasoq.

Oak-Foundation-mik ataatsimeeqateqarsimaneq

Qaammatip siuliani Namminersorlutik oqartussat peqatigalugit Oak-Foundation-mik ataatsimeeqateqarsimaneq nalunaarutigaa.

Suliniut Angerlarsimaffeqanngitsunut sullissivik immikkoortunut arlalinnut agguagaavoq maanna Aqutsisooqatigiit immikkoortoq siullermi, tassani pineqarlutik paasissutissat isumaginninnikkut pisariaqartitat sulisunit kingornalu atuutsitsinissamut pilersaarusiugassat katersorneqaleruttorput. Immikkoortoq siulleeq aallarniutaasoq 2023-mi aasaanerani naammassineqassasutut missiliunneqarpoq kingornalu immikkoortup aappaa pilersaarusiornermut tunngasortaa aallartisarneqassalluni.

Punkt 1: 2023-mut missingersuutit pillugit isummaqatigiissummi anguniakkanut takussutissiaq

Beslutning

Ilisimatitsissut tusaatissatut tiguneqarpoq.

Bilag

2023-mut missingersuutit pillugit isumaqatigiissummi anguniakkat

2023-mut missingersuutit pillugit isumaqatigiissut



2023-mut missingersuutit pillugit isumaqatigiissummi anguniakkanut takussutissiaq

Ilisimatitsissut

SagsID: EMN-2023-00238

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Pisortaqaatigiit Allatseqarfiat missingersuutit pillugit isumaqatigiissummi anguniakkanut takussutissamik suliaqarput, allaffissornikkut akisussaaffik tassaniimmat kiisalu taakku killiffiinut tunngasut. Aningaasaqarnermut Inuussutissarsiornermullu Ataatsimiititaq kiisalu Kommunalbestyrelse missingersuutit pillugit isumaqatigiissummi anguniakkanut killiffimmik qaammatit pingasukkaarlugit ilisimatinneqartassapput.

Matumani takussutissami 2023-mut missingersuutit pillugit isumaqatigiissut tunngavigineqarpoq.

Takussutissaq erseqqarinnerusoq siunnersuutillu ataasiakkaat allaaserineqarnerat ilanngussaq 1-mi takuneqarsinnaapput.

Ingerlatsivimmit aningaasatigut sulisoqarnikkullu naliliinerit

Aningaasartuutaasussatuaq tassa sulisut atorfeqareersut suliamut ingerlatsinerannik piffissaq atorneqartoq.

Suliffeqarfimmut Kiffartuussivimmit aningaasatigut sulisoqarnikkullu naliliinerit

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- 2023-mut missingersuutit pillugit isumaqatigiissut

Ilanngussat

1. 2023-mut missingersuutit pillugit isumaqatigiissummi anguniakkat
2. 2023-mut missingersuutit pillugit isumaqatigiissut

Punkt 2: Illoqarfinnut periusissiat pillugit ilisimatitsissut

Beslutning

Ilisimatitsissut tusaatissatut tiguneqarpoq.



Illoqarfinnut periusissiat pillugit ilisimatitsissut

Nuuk pillugu Illoqarfiit pingaarnersaannut periusissiamik aammalu Tasiilaq, Paamiut Ittoqqortoormiillu pillugit illoqarfinnut periusissianik suliaqarneq

Ilisimatitsissut

SagsID.: EMN-2023-01829

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Illoqarfiit pingaarnersaannut pingaarnertut periusissiap suliarineqarnissaanut neqeroorteqartitsinissami allagarsiissutissaq oqaasertalersorlugu sulineq Aqutsisoqatigiit allatseqarfiata aallartippaa, taassuma siullermik periusissiaq "Nuuk – Issittumi Illoqarfiit Pingaarnersaat" taarsissavaa, COWI suleqatigalugu 2016-imi suliarineqartoq.

Illoqarfiit pingaarnersaannut periusissiami nutaami allannguutit eqqarsaatigineqassapput, Nuummi 2016-ip kingornagut pisimasut. Siunertarineqartunut aamma ilaavoq, illoqarfiit pingaarnersaannut periusissiamut nutaamut uiggiullugu Tasiilaq, Paamiut Ittoqqortoormiillu pillugit illoqarfimmut periusissialiortoqartussaammat. Illoqarfiit pillugit periusissiornermut siunertat pingaarnertit tassaapput qulakkiissallugu, siunissami Kommuneqarfik Sermersuumi illoqarfinni ineriartorneq pissasoq innuttaasut pitsaasumik inuuneqarnissaat aallaavigalugu, aammalu illoqarfinni pitsaasumik ineriartornermi sumiiffinni pissutsit aallaavigalugit periusissiornermi sulineq ingerlanneqassasoq. Peqatigitillugu illoqarfiit pilersaarutit malillugit ineriartornerat inuiaqatigiinni ineriartornermik aallaaveqassaaq, Kommuneqarfik Sermersuumi ukiuni tulliuuttuni malittariaqagaanik, imarpik qulaallugu timmisartunut mittarfissualiorneq, annertusisamik nunanut allanut naleqqussarneq, najugaqariaatsit allannguuteqarnerat aammalu innuttaasut katitigaanerisa allannguuteqarnerat eqqarsaatigalugit. Peqatigitillugu illoqarfiit pingaarnersaannut periusissiap aammalu illoqarfiit pillugit periusissiat aallaavigissavaat 2023-mut Pilersaarusiornermut periusissaq, taannaammat kommunimi periusissiornermut allanut ataqatigiissuunissamik qulakkeerinnittussaq inuiaqatigiinni ineriartornermik qulakkeerinnilluni, aammalu periusissiat missingersuutini isumaqatigiissutinut atuuttuni siunnerfinit malillugit ingerlanneqassasut.

Neqeroorteqartitsissutigineqarnissaanut tunngatillugu Nuuk pillugu illoqarfiit pingaarnersaannut periusissiaq kisimi pineqassaaq. Kisianni piumasaqaatigineqarpoq, periusissiamik suliaqarnermi sumiiffinni innuttaasut, soqutigisaqartut aammalu sukumiisumik peqataatitsinerup ingerlanerani suleqataasut peqataatinnerisigut, aammalu ataavartumik Kommuneqarfik Sermersooq suleqatigalugu sulisunik attuumassuteqartunit suliaq killiffia, ilisimasaniq avitseqatigiinnerit, oqaloqatigiittarnerillu eqqarsaatigalugit. Tamanna Kommuneqarfik Sermersuumut sulisunullu attuumassuteqartunut tulluassaaq, namminneerlutik periusissiap suliarinera nangissinnaaniassammassuk sulinermi ingerlatsinerit assigiinngitsut aqutigalugit kingornatigullu Tasiilaq, Paamiut Ittoqqortoormiillu pillugit illoqarfinnut periusissianik suliaqarnermi, illoqarfinni taakkunani najukkami pissutsinik, pisariaqartitanik ineriartortitsinissamullu periarfissanik aallaaveqartunik.



Tasiilaq, Ittoqqortoormiit aamma Paamiut eqqarsaatigalugit siusinnerusukkut tamakkiisumik pilersaarutiniik taaneqartunik suliaqartoqarnikuuvoq. Kisianni pilersaarutit taakkua pingaarnertut aallaavigisarpaat timalimmik pilersaarusiorneq aammalu illoqarfinni ineriartorneq. Tamakkiisumik pilersaarusiarnut taarsiullugu periusissiornermi kissaatigineqarpoq annertunerusumik ineriartortitsinissamut periarfissat ukkatarineqarnerunissaat, sumiiffinni innuttaasunut pitsaasumik ineriartortoqarnissaanik qulakkeerinnittumik, piujuartitsineq, inuussutissarsiorneq, ilinniagaqarneq, kulturi aammalu inuit atorfissaqartitaat aallaavigalugit. Periusissiat illoqarfinnut ataasiakkaanut naleqqussarneqassapput, taamaattumillu aamma imaanngilaq ukkatarineqartussat illoqarfinni sisamani tamani assigiissasut. Kisianni periusissiornermi ineriartortitsinermi aallaavigineqassapput suliat, nutaamik illoqarfiit pingaarnersaannut periusissiornermi atorneqarsimasut, aammalu illoqarfiit pingaarnersaannut periusissiaq taamaasilluni illoqarfiit pillugit periusissiornermi atugassatut najoqqutarineqarsinnaalluni.

Ingerlatsivimmit aningaasatigut sulisoqarnikkullu naliliinerit

Aalajangersimasumik aningaasatigut killiliussaqaqngitsumik ammasumik neqerooruteqartitsineq pineqarpoq, matumanilu kiffartuussinerit ataasiakkaat aningaasartuutissanut apeqqutaassapput, taamaattumillu suliaqarnermi maanna aningaasatigut sulisoqarnikkullu naliliisoqarsinnaanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiit

- Kommuneqarfik Sermersuup Pisiniartarnermut Politikkia
- Kommuneqarfik Sermersuumi siunnersortinit sullinneqarnissamut ilitsersuut
- Pilersaarusiorneq periusissiaq 2023
- Inuussutissarsiornermut periusissiaq 2022-2026
- Innuttaasunik peqataatitsineri periusissiaq
- Nunat allat pillugit periusissiaq

Ilanngussat

Soqanngilaq.

Punkt 3: Kommuneqarfik Sermersuumi nunaqarfinnik ineriartortitsinissamut pilersaarummi politikikkut anguniakkat

Beslutning

Dorthe-Marie Mogensen-Fontain (S) ataatsimiinnermut ilannguppoq nal. 12:25.

Inassuteqaat akuersissutigineqarpoq.

Bilag

Nunaqarfinnik ineriartortitsinissamut pilersaarummi pingaarnertut anguniakkat 2023

Ineriartortitsinissamut pilersaarummi anguniakkat tamakkiisut 2023



Kommuneqarfik Sermersuumi nunaqarfinnik ineriartortitsinissamut pilersaarummi politikikkut anguniakkat

Aalajangiiffigisassaq

SagsID.: EMN-2020-04607

Suliffeqarfimmut kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmiit Aningaasaqarnermut Inuusutissarsiornermullu

Ataatsimiiitamut inassuteqaatigineqarpoq:

- Nunaqarfinnut ineriartortitsinissamut pilersaarummi politikikkut anguniakkat pingaarnerit tunngavigalugit nunaqarfinnut ineriartortitsinissamut pilersaarut, ilanngussaq 1-imi itisilerneqartoq, pillugu ingerlatsivimmi suliaq nanginneqarnissaa akuersissutigineqassasoq

Suliassamik saqqummiussineq

Ineriartortitsinissamut pilersaarummik suleriuseq anguniagarlu

Ineriartortitsinissamut pilersaarutissami nunaqarfinni suliassaqaarfii immikkoortortaqaarfiillu assigiinngitsut akornanni siammasissumik ineriartortitsinissamik imaqaassaaq, pingaartumillu matumani suliassamik saqqummiussinermi saqqummiunneqartut pingaarnertut anguniagassat tunngavigineqassapput.

Taakku anguniakkat saqqummiunneqartut 2022-mi suliap aallartinneqarnerani sularineqarsimasunik tunngaveqarput, tassanilu nunaqarfinni namminneq takorluugaat, kissaataat aammalu pitsaasumik inuuneqarnissamut anguniagaat pingaarnerutinneqarsimapput. Innuttaasut namminneq inuunerminnik paasisimasaqarnerusutut kommunimit isigineqartut kiisalu nunaqarfinni innuttaasugut tamarmik pitsaasumik ineriartornissamut tunniussaqaarusunnerat tunngavigineqartut takutinneqarpoq.

Anguniakkattaaq nunaqarfinni aqutsisut, Kommunalbestyrelsip allaffeqarfiullu akornanni oqaloqatiginninnikkut sularineqartunik takutitsisuupput. Nunaqarfinni pitsaasumik ineriartortitsinissamut tapersiinissaq aammalu qanoq immitsinnut atorluarsinnaanerluta ataatsimullu isumalluutigit atorluarsinnaanerlugit oqaloqatigiinnerit ingerlanneqarput. Matumani nunaqarfiit ineriartornerat, siusinnerusukkat misilittakkat, aningaasaqarneq kiisalu siammasissukkat politikikkut takorluukkat pillugit paasisutissat piviusut ineriartortitsinissamut immikkoortunik pingaarnersiunermet tunngatillugu pingaaruteqarsimapput. Ilanngussaq 2-mi nunaqarfinni ataasiakkaani, najukkami pingaarnersiukkat kiisalu allaffeqarfinnit suliassamut pitsaassusersiorneqarsimasut nalilerneqarsimasullu pillugit anguniakkat suliniutinillu takussutissiarineqarsimapput.

Ineriartortitsinissamut pilersaarummi ukiuni tulliuutuni anguniakkat pingaarnersiorneqarsimasut aalajangersimasumik iliuuseqarfigineqarnissaat anguniarneqarpoq. Oqaasiinnarmiit qanoq iliuuseqarnermut Taamaalilluni ineriartortitsinissamut pilersaarut nunaqarfinnut, nunaqarfinni aqutsisunut, Kommunalbestyrelsimut allaffeqarfiimullu ataatsimoorussamik atortorineqassaaq. Atortoq taanna maannakkut siunissamilu ataatsimoorussamik oqaloqatiginninnerni kiisalu aningaasaliinissamut, agguataarisarnernut suliniutinillu pingaarnersiunermet tunngavigineqarsinnaavoq.

Tassungalu ilutigalugu ineriartortitsinissamut pilersaarut nunaqarfinni ineriartortitsinissamut tamakkiisumik pilersaarutitut isigineqassanngilaq. Taamaattorli suliniuteqarfittut



pingaarnersiukkatut paasineqassapput, taakku kommunip pilersaarutai, periusissiai politikilu allat ilanngullugit nunaqarfinnik kivitsisooqataassapput ineriartortitsisuullutillu.

"Najugaqarfigissallugu pitsaasoq" - nunaqarfiit ineriartortinneqarnissaannut anguniagaq 2023 – 2027

Nunaqarfiit ineriartortinneqarnissaannut anguniakkat saqqummiunneqartut kommunip najugaqarfigissallugu pitsaasoq pillugu anguniagaanut tapersiinerit tamarmik isigineqassapput. Anguniagarineqartut taanna pilersaarusiordermi periusissiasami allassimavoq, tassanilu pingaarnertut suliassaqarfiit arfinillit toqqarneqarsimapput:

- 1) Tamanut inissiat pitsaasut
- 2) Meeqqat inuusuttullu inuunerat pitsaasoq
- 3) Sullivimmi avatangiisit pitsaasut
- 4) Sunngiffimmi inuuneq pitsaasoq
- 5) Attaveqaatit pitsaasut
- 6) Ataatsimoornerit pitsaasut

Pingaarnertut suliassaqarfiit ataatsimut kommunimi najugaqarfiit piffissamut malinnaatinneqarnissaannik qulakkeerinnittuullutillu innuttaasunut ataasiakkaanut, ukiut inuunermilu atukkat apeqqutaatinnagit, pitsaasumik inuuneqarnissamut najoqqutassiisaaq. Nunaqarfinnik ineriartortitsinissamut pilersaarummi anguniakkatigut pilersaarusiordermi periusissiami pingaarnertut suliassaqarfiit arfinillit tamarmik annertuumik tapersersorneqarput.

"Inuit isumalluutissatut pingaartinneqarnissaat" - ineriartortitsinissamut pilersaarutissami qitiusumik pingaartinneqartog

Nunaqarfinni pitsaasumik inuuneqarneq aamma atugassarititaasunik kiisalu isumaginninnikkut ikiorsiissutinik tunngaviusunik suliffeqarnikkullu sinaakkutinik kommunip tunniuttagaannik imaqarlutillu allanik annertunerusunik imaqarpoq. Nunaqarfinni pitsaasumik inuuneqarneq siullertut pingaarnertut inunnit pilersinneqartarpoq. Inuit ataatsimoorfiusullu inooqatigiissut suleqataasullu suleqatigiittullu. Allatulli inuit ataatsimoorfiusullu ineriartortinneqartussaapput aningaasaliiffineqarlutillu. Taamaattumik ineriartortitsinissamut pilersaarutissami nunaqarfinni inuttut isumalluutit ineriartortinneqarnissaat qitiusumik pingaartinneqartussaapput.

Taamaalilluni anguniagassatut toqqarneqarsimasuni arlalinni innuttaasugut sulisugullu namminneq inuunerminnik pilersitseqataasarnerat attanniarlugu kiisalu allat inuunerannut nunaqarfimmullu pitsaasumik tunniussaqaartarnerat attanniarlugu atugassarititaasut pitsanngorsarneqarnissaannut kissaateqarnermik tunngaveqarpoq. Suliassaqarfinni arlalinni tamanna pissaaq. Ilaatigut nammineq ilisimasalik suliatiigullu piginnaasanik ineriartortitsinissamut, piginnaanngorsarnissamut periarfissat pitsaanagerusut neqeroorutigineqartassapput kingornalu atorluarneqartarlutik. Ilaatigullu innuttaasugut namminneq ataatsimoorfiusunik suliniutinik najukkamilu iliuuseqarusussusermik ineriartortitsinissaannut tunngavissiisoqartariaqarpoq.

Tamatuma saniatigut ataatsimoorfiusut pitsaasut najugaqartullu pimoorussisarnerat allaffeqarfimmik qanilaartumit suliffeqarfimmillu politikikkut aqunneqartumit taperserneqartussaapput, tassanilu pitsaasumik akuutitsillunilu oqaloqatigiittarneq suleqatigiittarnerlu pitsaasoq pingaartinneqassaaq. Ineriartortitsinissamut pilersaarutissami najukkami tamat oqartussaaqataanagerat pitsanngorsarneqartussatut pingaarutilittut siunnersuutigineqarportaaq.



Anguniakkani siuliini taaneqartuni uagut innuttaasutut, qinikkatut allaffeqarfimmiillu nunaqarfinni pitsaasumik inuuneqalersitsinissamut ataatsimoorussamik akisussaaffeqarnissaq suliniuteqarnissarlu pingaartinneqassasoq sinaakkusiisoqassasorlu kissaatigineqarportaaq.

Pingaarnertut anguniagassat tulliuuttumi allattorsimapput ilanngussaq 1-imilu itisilersorneqarlutik.

Pilersaarusionermi periusissiami pingaarnertut suliassaqrifiit kiisalu nunaqarfinnik ineriartortitsinissamut pilersaarummi pingaarnertut anguniagassat

- 1) Tamanut inissiat pitsaasut
 - Nunaqarfinni pisariaqartitanut naleqqussakkanik inissiat pitsaasut
- 2) Meeqqat inuusuttullu inuunerat pitsaasoq
 - Ulluunerani paaqqinniffiit sunngiffimmilu ornittakkat, pinnguartaifiit ilanngullugit, piffissamut naleqquttut
 - Meeqqanut, inuusuttunut isumaginninnikkullu suliassaqrifiup iluani sulisut suliatigut ineriartortinneqarnissaat
- 3) Sullivimmi avatangiisit pitsaasut
 - Najukkami sulisut sinnerinik piginnaanngorsaaqqinnerit suliatigullu ineriartortitsinerit aamma ilaatigut sanaartornikkut assasornikkullu aallarnisaanerit, takornariaqarneq kiisalu utoqqarnik isumassuinerinik.
 - Sulisunik najugaqartunik atuineq kajumissaarinerlu
- 4) Sunngiffimmi inuuneq pitsaasoq
 - Kulturikkut neqeroorutinik, najukkami pimoorussinerit aamma nunaqarfinni innuttaasut suliniutaannik nukittorsaaneq
- 5) Attaveqaatit pitsaasut
 - Angallannikkut atortunik ataavartumik nutarterisarneq (aqquserngit, majuartarfiit, umiarsualiviit)
 - Perusuersartarfinnik nutarsaaneq
- 6) Ataatsimoorfiusut pitsaasut
 - Tamat oqartussaaqataanerisa nukittorsarneri

Sulinerup ingerlariaqqinnera:

Suliffeqarfimmut Kiffartuussivimmit Aningaasaqarnermut Inussutissarsionermullu Ataatsimiititap kommunimi nunaqarfinnut ineriartortitsinissamut pilersaarummi pingaarnertut anguniakkanut tunngatillugu aalajangernera oqaaseqaatigisallu tunngavigineqassapput. Matumani anguniakkat piviusunngortinneqarnissaannut suliniutit aalajangersimasut pingaartinnerullugit. Tassunga ilanngullugu aningaasaqarnermik isumalluutinillu pisariaqartitsinerit pingaarnertut pillugit naliliineq ilanngunneqassapput. Ineriartortitsinissamut pilersaarut Aningaasaqarnermut Inussutissarsionermullu Ataatsimiititamut 2023-mi aggustip/septembarip naanerani saqqummiunneqarnissaa naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit

Anguniakkat pingaarnertut aningaasatigut killiliussat iluanniippat, taakkulu piviusorpalaartutut nalilerneqarput, tassungali ilutigalugu politikikkut aningaasatigut aamma/imaluunniit sulisutigut aningaasatigullu pingaarnersiuisaqq pisariaqarsinnaavoq. Tassunga tunngatillugu anguniagassat piviusunngortinneqarnissaannut aaqqiissutissat suliniutillu aalajangersimasut pisariaqartinneqartutut allaffeqarfimmit nalilerneqartut apeqqutaassapput. Suliaqarnerup ingerlanneqarnerani kingusinnerusukkat - aamma Aningaasaqarnermut Inussutissarsionermullu Ataatsimiititamit anguniakkanik pingaarnertut akuersereernerata kingorna - Suliffeqarfimmut Kiffartuussivimmit tamatumingna naliliinissamik suliaqartoqassaaq.



Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inuit Ataqatigiit Naleqqallu akornanni Kommuneqarfik Sermersuumi Kommunalbestyrelsimi suleqatigiinnissamik isumaqatigiissutaat 2022-2025
- 2023-mut missingersuutit pillugit isumaqatigiissut
- "Kommune oqimaaqatigiissoq - Nunaqarfinnut immikkoortumut pilersaarut 2017 - 2021"

Ilangussat

1. Nunaqarfinnik ineriartortitsinissamut pilersaarummi pingaarnertut anguniakkat 2023
2. Ineriartortitsinissamut pilersaarummi anguniakkat tamakkiisut 2023

Punkt 4: Tasiilami sanaartornermik ilisimasalik

Beslutning

Inassuteqaat akuersissutigineqarpoq.

Tasiilami sanaartornermik ilisimasalik

Aalajangiiffigisassaq

SagsID.: EMN-2023-01612

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- itigartitsissutigineqassasoq, 600.000 kr.-it Kommuneqarfik Sermersooq tamaat pitsaanerusumik sanaartugassanut tunngasunik ilisimasalimmik sullissisoqalernissaa
- Tasiilami sanaartugassanut tunngasunik ilisimasalittut atorfik 2023-mi inuttassarsiuuteqqinneqassasoq

Suliassamik saqqummiussineq

Kommunalbestyrelsen 2022-mut missingersuusiornermut atatillugu Tasiilami Sanaartornermut Immikkoortortaqqarfimmi sanaartornermik ilisimasalimmik pissarsiornermut 600.000 koruunit immikkoortinneqassasut aalajangiuppaa. Ingerlatsiviup 2022-mi ukiumi affarmi siullermi sanaartornermut pisortamik taarsiineq aqquusaarsimavaa tamatumalu kingorna atorfimmik inuttassarsiuussivoq 2022-mi septembarip ulluisa 16-iannut killilerlugu. Ajorluartumik piukkunnartumik qinnuteqartoqanngilaq, taamaattumik atorfik inuttassarsioqqinneqarpoq. Tassanilu pissarsiorneq aamma iluatsinngilaq. Tamanna tunngavigalugu ingerlatsivik naliliivoq, Tasiilamut iluatsittumik pissarsiorneq ilimanaateqanngitsaq.

Suliassat maannakkut suliarinerinut Sanaartornermut Immikkoortortaqqarfiup Iserit suleqatigaa Tasiilap eqqaanilu suliassat pillugit soorluttaaq sulisut Nuummiit Tasiilaliartartut suliarlorlutik. Ingerlatsivik sulisutigut unammilligassaqqarpoq kommune tamakkerlugu sanaartornermi pilersaarutiniq kivitseqataanissamut atatillugu. Sanaartornermut Immikkoortortaqqarfik kommunimi sanaartornermi pilersaarutinut illuutaanullu 338-usunut massakkut arfineq marlunnik sulisoqqarpoq.

Taamaattumik ingerlatsiviup inassutigaa, aningaasaliissutit siunertaq 07.05.01 Oqartussaaffeqarfimmi suliaqarneq teknikkimut, avatangiisimut pilersaarusiornermullu ataaniiginnassasut, Sanaartornermut Immikkoortortaqqarfik aamma sulisut sanaartornermik ilisimasallit sinneri aningaasarsiaqartinneqarmata. Taamaaliornikkut aningaasat kommune tamakkerlugu sanaartornermi sulianik suliarinninnermut qaqqitsinermut atorneqarsinnaallutik. Allatut ilionnikkut aningaasaliissutit missingersuutitit peerneqarsinnaapput allatullu pingaarnersiorneqarlutik.

Ingerlatsivimmit aningaasatigut sulisoqarnikkullu naliliinerit

Ingerlatsivik naliliivoq, ingerlatsivimmi piffissaq tamakkiisoq atorfinitsitsinnaasoq kommune tamakkerlugu sanaartornermi sulianik suliarinnittarneq pitsanngortinniarlugu. Taakkua 600.000 koruunit missingersuutinut ilaareerput, taava inassuteqaammik akuersissuteqarneq missingersuutitigut kinguneqaataassanngilaq.

Suliffeqqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o 2022-mut missingersuutit, siunnersuutip normua P30

Siusinnerusukkut aalajangiinerit

Sanarfinermut Avatangiisinullu Ataatsimiititaq, 27.04.23:

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommuneqarfik Sermersooq tamakkerlugu sanaartornermi sulianik suliarinninnermik pitsanngorsaannermut siunertaq 07.05.01-miitiinnarlugit 600.000 koruunit atorineqassasut akuerineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq

Inassuteqaat imatut oqaaseqaatitalerlugu itigartitsissutigineqarpoq: Atorfik ukiup naanissaata tungaanut inuttalerniarneqassaaq piffissallu killigittap nallernerani sanaartornermik ilisimasalimmik atorfinitsitsisoqarsimangippat, suliaq suliarineqaqqissaaq.

Ilangussat

Soqanngilaq.

Punkt 5: 2023-mi Eqqakkat pillugit malittarisassat tusarniaassutigineqarneri

Beslutning

Inassuteqaat akuersissutigineqarpoq.

Bilag

Inoqutigiinnut eqqakkanik pilersitsisartunut Eqqakkat pillugit malittarisassat 2023-mi atuuttussat

Inuussutissarsiortunut aamma suliffeqarfinnut Eqqakkat pillugit malittarisassat 2023-mi atuuttussat



2023-mi Eqqakkat pillugit malittarisassat tusarniaassutigineqarneri

Aalajangiiffigisassaq

SagsID.: EMN-2022-09202

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- inoqutigiinnut eqqakkanik pilersitsisartunut Eqqakkat pillugit malittarisassat 2023-mut atuuttussat (ilanggussa 1) tamanut tusarniaassutigineqarnissai siunertaralugu akuersissutigineqassasut
- inuussutissarsiortunut aamma suliffeqarfinnut Eqqakkat pillugit malittarisassat 2023-mi atuuttussat (ilanggussa 2) tamanut tusarniaassutigineqarnissai siunertaralugu akuersissutigineqassasut

Suliassamik saqqummiussineq

Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersumi Kapitali 8 § 18 innersuussutigalugu Nunatsinni kommunalbestyrelsit malittarisassamik ataatsimik arlalinnilluunniit kommunimi atuisinnaatitaasunit eqqakkanik pilersitsisarnermut eqqakkanik katersuinissamut innersuussisarnissamullu aaqqiissutinik allaaserisanik imalinnik suliqaarnissamut pisussaaffeqarput.

Innuttaasut inuussutissarsiortulluunniit eqqarsaatigalugit annertuunik allannguisoqanngilaq. Aalajangersakkat ilaat peerneqarnikuupput suliassaqarfimmi inatsimmi maanna allaqqagamik. Aaqqissuunneqarneratigut nutarterineq matumani taamaallaat pineqarpoq. Malittarisassat nutarterneqartut eqqakkat pillugit nalunaarutip malitsigisaanik allaffissornikkut nutartigaapput, matumani Inatsisartut aamma Naalakkersuisut pillugit Inatsisartut inatsisaanni § 31, imm. 2-mi kommunimi aalajangerneqartut ilaatigut eqqakkat pillugit malittarisassat aalajangersimasumik aaqqissugaallutik sularineqarnissaannut allaqqasoq naapertorlugu Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq kiisalu inatsimmi kommunip aalajangernerinut nalunaarut pillugu Naalakkersuisuniit malittarisassat nutaat malinneqarlutik.

Malittarisassat paragrafinngorlugit nalunaarutigineqassammata atuutsinneqarlutillu sularineqarnissaat Naalakkersuisunit kommuninut suliakkiutigineqarnikuuvoq. Malittarisassat 2023-mut atuuttussat sularineqarnerini siunnersuutitut sularineqartoq Namminersorlutik Oqartussani inatsisinut allaffeqarfimmut misissugassanngortinneqarnikuuvoq, ilaatigut malittarisassatut sularineqartut inatsisit malillugit sularineqarsimani qulakkeerniarlugit. Malittarisassat ullutsinnut malinnaasussatut nutartigaapput aamma eqqakkat pillugit nalunaarut nutaaq naapertorlugu sularineqarnissaat pillugu.

Kommuneqarfik Sermersuumi eqqakkat pillugit malittarisassat ataatsimoortumik ingerlanneqarnikuupput, Naalakkersuisuniillu peqqusinerup kingorna marlunnet avinneqarlutik, tassa inoqutigiinnut eqqakkanik pilersitsisartunut aamma inuussutissarsiortunut suliffeqarfinnullu eqqakkat pillugit malittarisassat.



Kommuneqarfik Sermersuumi eqqakkat pillugit malittarisassat malillugit eqqakkanik passussisarneq aallaaviatigut eqqakkat pillugit tulleriarineq naapertorlugu isumagineqartassapput:

1. Eqqagassanik pinaveersaartitsineq
2. Atoqqiinissaq siunertaralugu piareersarneq
3. Atoqqiineq
4. Allatigut iluaqutigineqarsinnaasunngortitsineq
5. Igitsiartortarneq

Eqqakkat pillugit nalunaarummut nutaamut atatillugu atoqqiinerusarnissaq immikkoortiterinerusarnissarlu pillugit piunasaqaatitaqartoqarpoq, tamatumalu kingunerisaanik eqqakkat immikkoortitassat amerlanerusut allaaserineqassallutik. Eqqakkat annikinnerpaaffianniitinneqarnissaat siunertaavoq, tamannalu kissaatigineqarpoq. Taamaattumik ingerlatsivimmiit ataavartumik pitsanngorsaaniissat aamma eqqakkat pillugit iliuusissatut pilersaarutit nutaat suliarineqarnissaat qimerluuualarneqarlutik.

Ingerlatsivimmit aningaasatigut sulisoqarnikkullu naliliinerit

Sunniuteqassanngilaq.

Suliffeqarfimmut Kiffartuussivimmit aningaasatigut naliliineq

Sunniuteqassanngilaq.

Inatsisitigut tunngavissaq allakkallu tunngaviusumik uppernarsaatillit

- Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq

Siusinnerusukkut aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat akuersissutigineqarpoq.

Ilanngussat

1. Inoqutigiinnut eqqakkanik pilersitsisartunut Eqqakkat pillugit malittarisassat 2023-mi atuuttussat
2. Inuussutissarsiortunut aamma suliffeqarfimmut Eqqakkat pillugit malittarisassat 2023-mi atuuttussat

Punkt 6: Kommunip ingerlatseqatigiiffiini ataatsimeersuarneq 2023

Beslutning

Inassuteqaatini siullermi ilisimatitsissut tusaatissatut tamanit tiguneqarpoq.

Inassuteqaatit aappaat amerlanerussuteqartunit (IA, N aamma D) akuersissutigineqarpoq.

Inassuteqaatit aappaannut Nuup Bussiinut suilersuisuni ilaasortassanut toqqaanissaq Kommunalebestyrelsip ataatsimiinnissaanut kinguartinneqarpoq, ilaasortassatut innersuunneqartut pillugit paasissutissat amigaatigineqarmata.

Siumut inassuteqaatit aappaanni Iseritsimut Suilersuisuni ilaasortassatut innersuunneqartut itigartitsissutigaat.

Bilag

Siulersuisunut ilaasortassatut piukkunnartunik innersuussineq 2023

Siulersuisutut ilaasortassatut piukkunnartut nutaat pillugit takussutissaq 2023

Ukiumoortumik nalunaarusiaq Nuup Bussii



Kommunip ingerlatseqatigiiffiini ataatsimeersuarneq 2023

Kommunip ingerlatseqatigiiffiiniut siulersuisunut ilaasortat killiffii ilaasortassatullu innersuussutit

Aalajangiiffigisassaq

SagsID.: EMN-2023-01874

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititumut inassuteqaatigaa:

- kommunip ingerlatseqatigiiffiisa killiffii pillugit ilisimatitsissut tusaatissatut tiguneqassasoq
- Kommunip ingerlatseqatigiiffiini siulersuisuni ilaasortassatut innersuunneqartuniit toqqaasoqassasoq, innersuussutigalugu Ilanngussaq 2; "kommunip Ingerlatseqatigiiffiini ilaasortassanik innersuussineq 2023"

Suliassamik saqqummiussineq

Kommuneqarfik Sermersuumi ingerlatseqatigiiffinnut piginnittuunermut periaasissaq innersuussutigalugu ingerlatseqatigiiffiit kommunimit pigineqartut pillugit piginnittutut akisussaaffik Aningaasaqarnermut Inuussutissarsiornermullu Ataatsimiititamiippoq, tassungalugu ilanngullugu, ingerlatsivimmit inassuteqaat tunngavigalugu ingerlatseqatigiiffinnut siulersuisunut ilaasortanik toqqaanissamut piginnaatitsissut.

Ingerlatsivimmit kommunip ingerlatseqatigiiffii Iserit A/S aamma Nuup Bussii A/S 2023-mi juunimi ataatsimeersuaarnissaat siunnersuutigineqarpoq. Tamassuma pinnginnerani ingerlatseqatigiiffiit ukiut siuliini suliaannut pingaarnerusumik nassuiaat siulersuisunilu ilaasortassatut innersuussutit Suliffeqarfimmut Kiffartuussiviup matumuuna nassuiaateqarfigai.

Ingerlatseqatigiiffiit 2022-mi suliaat pillugit nassuiaat

Ingerlatseqatigiiffiit 2022-mi angusaat naammaginatutut Ingerlatsivimmit nalilerneqarput. Nuup Bussii 2021-mi amigartooruteqarnermut sanilliullugu 673.000 koruuninik sinneqartooruteqarput. Iserit 2022-mi Nuuk City Development A/S-ilu kattupput. Tamanna 2022-mi Iseritip naatsorsuutaanut suliaanullu sunnuteqarpoq. Tamanna pillugu ulloq tunniussiffissaq nallertinnagu ukiumoortumik naatsorsuutit Iseritimit nassiunneqarsinnaasimangillat. Naatsorsuutit kingorna akuerineqarnissaat naatsorsuutigineqarpoq.

Nuup Bussii aamma Iserit A/S iluanaarutininik tunniussissanngillat, taamaalilluni kommunip kissaataa malinneqarpoq, tassa ingerlatseqatigiiffiit kommunip suliassaannik naammassinninnissaat iluanaaruteqarnissamit pingaarnertinneqarmat.

Siulersuisuni ilaasortanik toqqaaneq

Kommunip ingerlatseqatigiiffiini siulersuisuni ilaasortat ukiumi ataatsimi ilaasortassatut toqqaarneqartarput. Siulittaasoq ataatsimeersuarnermi toqqaarneqartarpoq.

Suliffeqarfimmut Kiffartuussivik CV-nik paasissutissiivimmik pilersitsinikuuvoq, kikkulluunniit soqutiginnittut tassunga nalunaarsinnaallutik. Ilaasortanngortussat CV-at paasissutissaasivimmut ikkunneqarput ingerlatsivimmit qaaqqusineq aamma ullormut tusagassiuutitigut saqqummertartuni aamma Facebookikkut eqqartorneqarlutillu nalunaarutigineqarneri tunngavigalugit.



Nuup Bussiini aamma Iserit A/S-mi siulersuisut katitigaanerat allanngortinneqartussaapput. Ilaasortassatut piukkunnaatillit nassaariniarlugit Suliffeqarfimmut Kiffartuussivimmit paasisutissiivik misissorneqarpoq. Ilaasortassatut piukkunneqartut pillugit ingerlatsiviup inassuteqaataa ilanngussaq 1 + 2-mi takuneqarsinnaavoq.

Ingerlatsivimmit aningaasatigut sulisoqarnikkullu naliliinerit
Ingerlatseqatigiiffiit 2022-mi suliaat pillugit nassuiaat takuuk.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Kommuneqarfik Sermersuup "Piginnittuunermut Periaasissaq"
- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartorerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq
- Ingerlatsiviit pillugit inatsisip allanngortinneqarnera pillugu inatsisini assigiinngitsuni aalajangersakkat ilaasa Kalaallit Nunaannut atuutilernissaannut peqqussut nr. 2624, 28. december 2021-meersoq.

Ilanngussat

1. Siulersuisunut ilaasortassatut piukkunnartunik innersuussineq 2023
2. Siulersuisutut ilaasortassatut piukkunnartut nutaat pillugit takussutissaq 2023
3. Ukiumoortumik nalunaarusiaq Nuup Bussii
4. Ukiumoortumik nalunaarusiaq Iserit A/S (KINGORNA NASSIUNNEQASSAAQ)

Punkt 7: Ilassutitut aningaasaliissutit nuussinissallu 2023

Beslutning

Inassuteqaat akuersissutigineqarpoq, imatut ilassuteqaatitalerlugu: 68.1 mio.kr. qaavatigut 1.5 mio.kr.-nik Paamiuni kulturhus-imut immikkut ilassutitut aningaasaliinissaq ilanngullugu suliaq Kommunalbestyrelsimut ingerlateqqinneqarpoq.

Bilag

Takussutissiaq tamarmiusoq

Ilassutitut aningaasaliissutit nuussinissallu _tamarmiusut

TB1/2023-mut ilassutitut aningaasaliissutit

TB1/2023-mut nuussinerit

Suliffeqarfimmut Kiffartuussivimmit qinnuteqaat

Meeqqanut Atuarfeqarnermullu Ingerlatsivimmit qinnuteqaat

Meeqqanut Ilaqutariinnullu Ingerlatsivimmit qinnuteqaat

Sanarfinermut Avatangiisinullu Ingerlatsivimmit qinnuteqaat

Suliffeqarnermut Isumaginninnermullu Ingerlatsivimmit qinnuteqaat



Illassutitut aningaasaliissutit nuussinissallu 2023

Aalajangiiffigisassaq

SagsID.: EMN-2023-00186

Suliffeqarfimmum Kiffartuussivik – kommunaldirektøri Ole Jakobsen / OJAK

Suliffeqarfimmum Kiffartuussivik - vicekommunaldirektøri Marie Fleischer / MAFL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik – pisortaq Martha Abelsen / MRBL

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaagallartuq Asmus Jessen Rubæk / ASJR

Inassuteqaat

Pisortaqatigiit Aningaasaqarnermut Inuussutissarsiornermullu Ataatsimiititamut inassuteqaatigaat:

- ilassutitut aningaasaliissutit katillugit 68.159.000 koruunit akuersissutigineqassasut
- nuussinissat akuersissutigineqassasut
- suliaq akuersissutigisassanngorlugu Kommunalbestyrelsimut ingerlateqqinneqassasooq

Suliassamik saqqummiussineq

2023-mi qaammatit pingasut siullit naatsorsuutit misissornerinut atatillugu Kommuneqarfik Sermersuumi Ingerlatsivinnit siunertat assigiingitsut nalilersorneqarput, matumani ingerlatsivinni ataasiakkaani missingersuutaasussani aaqiissutissanik pisariaqartitsisoqarnersoq paasiniallugu.

Ingerlatsiviit ataatsimut kalillugit 68 mio. koruuninik ilassutitut aningaasaliissutinik qinnuteqarput. Matumani ingerlatsinermut aningaasaliinerunissaq kiisalu kukkusumik nalunaarsuinernik iluarsiissutit ilaatinneqarput. Aningaasat imatut agguataagaapput:

Suliffeqarfimmum Kiffartuussivik	20,5 mio. kr.
Suliffeqarnermut Isumaginninnermullu Ingerlatsivik	20,7 mio. kr.
Meeqqanut Ilaqutariinnullu Ingerlatsivik	24,0 mio. kr.
Meeqqanut Atuarfeqarnermullu Ingerlatsivik	1,9 mio. kr.
Sanarfinermut Avatangiisinullu Ingerlatsivik	1,0 mio. kr.
Katillugit	<u>68,1 mio. kr.</u>

Annertunerusumik aningaasaliissuteqartoqarnissaanut pisariaqartitsinermut pingaarnertut pissutaasut

Suliffeqarfimmum Kiffartuussivik: Aningaasaliissuteqarnerunissamut pisariaqartitsinermi 2023-mut missingersuusiornermut atatillugu inuussutissarsiuteqartunut ineqarnermut isumaqatigiissutinut tunngatillugu ineqarnermut akiliutinut aningaasartuutit ilanngunneqarsimannginneri pissutaaneruvoq. Aningaasartuutit taakku TB1 – 2022-mut ilaapput, taamaattorli 2023-mut missingersuutinut ingerlateqqinneqarnatik. Tamanna 2024-mut kingoranullu missingersuutinut ilanngunneqassaaq.

Suliffeqarnermut Isumaginninnermullu Ingerlatsivik: Aningaasaliissuteqarnerunissamut pisariaqartitsinermi inuit innarluutilinnut ulloq unnuarlu inissiinernut 10,8 mio. koruuninik annertunerusunik pisariaqartitsisoqarnera pissutaavoq kiisalu utoqqarnut suliassaqarfimmum 9 mio. koruuninik annertunerusunik aningaasartuuteqarnermut pisariaqartitsisoqarmat, tassa innuttaasut utoqqaat ikiorserneqartariaqartut amerlinerisa kingunerisaanik.



Meeqqanut Ilaqutariinnullu Ingerlatsivik: Aningaasaliissuteqarnerunissamut pisariaqartitsinermi meeqqanik inissiisarnernut aningaasartuutaasartut 24,0 mio. koruuninik amerleriaateqarsimanerat pissutaavoq. Ukiuni kingullerni marlunni Meeqqanut Ilaqutariinnullu suliassa qarfirmi aningaasaliissuteqarnerunissamut pisariaqartitsineq 65 mio. koruunit missaannut qaffassimavoq, tamannalu kommunip aningaasaqarneranut unammillernarpoq.

Aningaasat tigorianaanaat: Ukiup naaneranut kommunimi aningaasat tigorianaanaat, missingersuutaareersimasunut 103 mio. koruuninut sanilliullugit, 35 mio. koruuniunissaat maanna naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit

Naatsorsuutiniq misissuinerup takutippaa, aaqqiissutit akuerineqanngippata ukiuni tulliuuttuni missingersuutit maanna kommunip aningaasaqarnikkut inissisimaneranut naapertuukkunnaassasut.

Ilassutissatut aningaasaliissutissatut kissaatigineqartut akuerineqassappata kommunip missingersuutaannut ima sunniuteqassapput; kommunip karsimiittuutai maannakkut 103.054.200 koruuninik annertussuseqarput. Qinnuteqaatit akuerineqassappata katillugit qinnutigineqartut 68.159.000 koruunit karsimiit ilanngaaticineqassapput. Taamaalilluni kommunimi karsimiittuutit tamarmiusut, TB-it kingorna, 2023-mi 34.895.200 koruuniussapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit allannguutit, ilassutissatut aningaasaliissutit aamma nuussinerit, inassuteqaaticineqarput, taamaalilluni ingerlatsivimmut missingersuutit pisariaqartinneqartut eqqornerusumik isikkoqalissammata.

Inatsisitigut tunngavissaq allakkallu tunngaviusumik uppernarsaatillit

- Kommunit missingersuusiortarnerat, aningaasanik tigorianaanaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-imeersoq (Missingersuutit inissisimanerannik naatsorsueriaatsimik allanngvineq, nammineq aningaasaatinik naleqqussaannissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq)

Ilanngussat

1. Takussutissiaq tamarmiusoq
2. Ilassutitut aningaasaliissutit nuussinissallu_tamarmiusut
3. TB1/2023-mut ilassutitut aningaasaliissutit
4. TB1/2023-mut nuussinerit
5. Suliffeqarfimmut Kiffartuussivimmit qinnuteqaat
6. Meeqqanut Atuarfeqarnermullu Ingerlatsivimmit qinnuteqaat
7. Meeqqanut Ilaqutariinnullu Ingerlatsivimmit qinnuteqaat
8. Sanarfinermut Avatangiisinullu Ingerlatsivimmit qinnuteqaat
9. Suliffeqarnermut Isumaginninnermullu Ingerlatsivimmit qinnuteqaat

Punkt 8: Nuup avataani innuttaasut siunnersuutaannik taasinerit killilerlugit amerlassusilerneqarnerannik allanngueq

Beslutning

Inassuteqaat akuersissutigineqarpoq.

Bilag

Kommuneqarfik Sermersuumi innuttaasuniit siunnersuutitut taasisinnaanernut killiliussat

Nuup avataani innuttaasut siunnersuutaannik taasinerit killilerlugit amerlassusilerneqarnerannik allanngvineq

Aalajangiiffigisassaq

SagsID.: EMN-2023-01694

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Nuup avataani suliassaqarfinnut tunngasuni innuttaasunit siunnersuutit akuersissutigineqarnissaannut killiliusaaq 50-nut appartinneqassaaq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Piffissami ulloq 1. decembarimiit 2022 ulloq 1. marsi 2023 ilanngullugu innuttaasunik akuutitsinerimut nittartagaq Kommuneqarfiga aqqutigalugu innuttaasut siunnersuutaasa akuerineqarnissaminut taasisaat naammatsikkaangat ingerlatsivimmi suliarineqarsinnaanerit misiliutaasumik ingerlanneqarpoq. Kommuneqarfik Sermersuumi tamarmi ullut 90-it iluanni taasinerit 250-it killigitinneqarpoq. Piffissami misiliiffiusumi Nuup avataani innuttaasut siunnersuutaannut taasinerit 50-inut appartinneqarpoq. Innuttaasut siunnersuutaannik, Nuummut imaluunniit Kommuneqarfik Sermersuumut tamarmut immikkoortunulluunniit arlalinnut tunngasut, taasinerit suli 250-it killigivaa. Misiliinermi Nuup avataani innuttaasut sumiiffimmi oqartussaaqataanermut peqataanerulersinneqarnissaat siunertarineqarpoq, innuttaasut siunnersuuteqartittarnerisigut, taamaalilluni innuttaasut taakku siunnersuutaat pisariaqartunik taaneqarnissaat periarfissaqarnerussamat.

Taasinerit amerlassusissaattut 50 aalajangiunneqarpoq, kommunimi illoqarfiup innuttamigut amerlassusiisa procentingortinneqarnerat tunngavigalugit, tassa imaappoq innuttaasup siunnersuutaata suliassanngorlugu ingerlateqqinneqarnissaanut akuerineqarnissaa. Nuummut tunngatillugu taasinerit 250-it innuttaasut ataatsimut 1,3 procenterivaa, taakkulu illoqarfiit nunaqarfiillu sinnerinut 13 procent aamma 543, 5 procentit akornanniippoq. Taasinerit amerlassusissaat procentingorlugu Nuup avataaniittunut aamma atorneqassappat tamanna taasinerit 25-nut aamma ataatsip nalingatut issaaq. Tamanna pillugu paasissutissiineruneg ilanngussaaq 1-imi takuneqarsinnaavoq.

Piffissap misiliiffiusup siornatigut innuttaasut siunnersuutaat arfineq-marluk tunniunneqarsimapput, illoqarfimmut Nuup avataaniittunut tunngasut. Taakkunannga siunnersuutit marluinnaat 50-it sinnerlugit taaneqarsimapput. Taamaattumik innuttaasut siunnersuutaat arlaannaalluunniit suliarineqartussatut ingerlateqqinneqarnissaminut akuerineqanngilaq. Paasissutissiineruneg ilanngussaaq 1-imi takuuk.

Piffissami miliiffiusumi innuttaasut siunnersuutaat Nuup avataaniittoq ataasiinnaq pilersinneqarpoq (Tasiilaq). Innuttaasup siunnersuutaa taanna 58-inik taaneqarsimavoq ingerlatsiviullu suliassamik saqqummiussineq politikikkut suliarineqartussaaq suliaralugu aallartippaa.

Ingerlatsivimmit aningaasatigut sulisoqarnikkullu naliliinerit

Taasisut amerlassusissaannik appaaneq innuttaasut siunnersuutaasa amerlanerusut ingerlatsivimmi suliarineqarsinnaasunngornerannik kinguneqaratarsinnaavoq, tamannalu ingerlatsivimmi suliassaqarnerulernermik kinguneqarsinnaalluni. Qaammatini pingasuni misiliilluni ingerlatsinermi innuttaasunit siunnersuut ataasiinnaq toqqarneqarsimavoq. Kommuneqarfik Sermersuup illoqarfimmut Nuup avataaniittunut taasinerit 50-it 2021-mili, innuttaasut

siunnersuuteqarnissaannut, periarfissaatissimagaluarpagu, taava innuttaasut siunnersuutaat allat marluk kisimik ingerlatsivimmi suliarineqarsimassagaluarput. Taamaattumik taasinernik 50-nut appaaneq nukissanik ingerlatsivimmi innuttaasut siunnersuutaannik suliaqarnermut atorneqartartunik amerlanerusunik kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Innuttaasunik peqataatitsinermi periusissaq

Ilanngussat

1. Kommuneqarfik Sermersuumi innuttaasuniit siunnersuutitut taasisinnaanernut killiliussat

Punkt 9: Iluarsiissuteqarneq, Kommunimut pilersaarummut tapiliussaq N1-1 - nunaannarmi Utoqqarmiut Kangerluarsunnguani erngup nukinganik nukissiorfik

Beslutning

Inassuteqaat akuersissutigineqarpoq.

Bilag

Iluarsisaq, kommunimut pilersaarummut tapiliussaq N1-1 Utoqqarmiut Kangerluarsunnguanni erngup nukinganik nukissiorfik

Iluarsissuteqarneq, Kommunimut pilersaarummut tapiliusseq N1-1 - nunaannarmi Utoqqarmiut Kangerluarsunnguani erngup nukinganik nukissiorfik

Aalajangiiffigisassaq

SagsID.: ANL-2021-00005

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat


Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliusseq N1-1 Utoqqarmiut Kangerluarsunnguanni erngup nukinganik nukissiorfik pillugu iluarsissuteqarneq akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmut paasisitsiissutigineqarsimavoq, kommunimut pilersaarummut tapiliusseq N1-1 Utoqqarmiut Kangerluarsunnguanni erngup nukinganik nukissiorfik akuersissutigineqarneranut atatillugu allaffissornikkut kukkuluttortoqarsimasoq. Kukkunertaa tassaavoq, immikkoortup ilaata killeqarfilersorneqarnera illoqarfiup immikkoortuini pilersaarutaareersunut sakkukillisaaveqarfiup iluanut atatittoorneqarsimanagera. Tamanna naleqqutinngitsutut nallilerneqarpoq, *siunertaanngimmammi* immikkoortup ilaa assersuutigalugu mittarfeqarfiup killeqarfiata iluanut atatinneqarnissaa.

Kukuluttornerup kingunerisaanik annertunngitsumik iluarsissuteqarnerummat pilersaarutillu tunngaviatigut imarisaanut akkerliunngitsutut nalilerneqarmat, pilersaarut nutaamik tusarniaassutigineqassanngilaq.



Ingerlatsivimmit aningaasatigut sulisoqarnikkullu naliliinerit Naliliinertaqanngilaq.

Suliffeqarfimmut Kiffartuussivimmit aningaasatigut naliliineq Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersarusiorneq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunitut pilersaarut digitaliusoq www.kp.sermersooq.gl

Siusinnerusukut aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat akuersissutigineqarpoq.

Ilanngussat

1. Iluarsisaq, kommunimut pilersaarummut tapiliusaaq N1-1 Utoqqarmiut Kangerluarsunnguanni erngup nukinganik nukissiorfik

Punkt 10: Kommunitut pilersaarummut tapiliusseq 19B1 aamma 19B2 Qeqertarsuatsiaani Inuussutissarsiorfik umiarsualiveqarfittullu immikkoortortat inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Kommunitut pilersaarummut tapiliusseq 19B1-1 aamma 19B2-1 Qeqertarsuatsiaani Inuussutissarsiorfik umiarsualiveqarfittullu immikkoortortat

Suliassamik saqqummiussineq nunaminertamik 22.02.2022 qinnuteqarneq pillugu



Kommunimut pilersaarummut tapiliusseq 19B1 aamma 19B2 Qeqertarsuatsiaani Inuussutissarsiorfik umiarsualiveqarfittullu immikkoortortat inaarutaasumik akuersissutigineqarnera

Aalajangiiffigisassaq

SagsID.: EMN-2022-05114

Sanarfinermut Avatangiisinullu Ingerlatsivik - pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussassatut Qeqertarsuatsiaani 19B1 aamma 19B2 Inuussutissarsiorfik umiarsualiveqarfittullu immikkoortortat akuerineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna kommunimut pilersaarummut tapiliussassatut 19B1 aamma 19B2 Qeqertarsuatsiaani Inuussutissarsiorfik umiarsualiveqarfittullu immikkoortortat saqqummiuppa. Kommunimut pilersaarummut tapiliusseq siunnersuutitut sapaatip-akunnerini arfineq-pingasuni tamanut, piffissami 04. januaari – 1. marsi 2023-mi, tusarniaassutigineqarpoq. Piffissami tusarniaaffiusumi tusarniaanermut akissuteqaat ataaseq tiguneqarpoq, taannalu oqaaseqatigiinnik annikitsunik allannguuteqartitsinermik kinguneqarpoq.

Tusarniaanermut akissuteqaat Ineqarnermut Attaveqaasersuutinullu Naalackersuisoqarfimmeersuuvoq, tassanngaanniillu Umiarsualiviit pillugit Inatsisartut inatsisaat nr. 9, 3. juni 2015-imeersoq tunngavigalugu sanaartornissamut, alliliinissamut umiarsualivinnillu ingerlatsinermut akuersissuteqartoqartartoq erseqqissaassutigineqarpoq. Tamatuma saniatigut Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-imeersoq malillugu nutaanik sanaartunnginnermi kiisalu sanaartukkanik alliliinerit allannguutilluunniit pillugit allakkatigut Avatangiisinut Naalackersuisumut nalunaaruteqartoqartassaaq. Tamanna kommunimut pilersaarummut tapiliussami ilanngunneqarpoq, tassanilu inatsimmut pineqartumut innersuussuteqartoqluni.

Taamaattorli kommunimut pilersaarummi tassungalugu ilassutini siunertanut immikkut ittunut, tassunga ilanngullugu umiarsualivimmi siunertanut, nunaminertanik atugassiinissaq siunertaasoq ingerlatsivimmit erseqqissaatigineqarpoq. Matumani kommunimut pilersaarummut tapiliussassatut Kommunalbestyrelsip §32 tunngavigalugu nunaminertamik qinnuteqaatit itigartitsisoqarnissaanik aalajangiinera tunngavigalugu, takuuk ilanngusseq 2.

Siusinnerusukkut suliaq aamma §32, 22.02.2022 tunngavigalugu unitsitsineq

Nunaminertaq aalisakkerivimmuut qinnutigineqartoq itigartinneqartorlu immikkoortup ilaani 19B-1-imi inissisimasooq pineqarpoq, tassani soqutigisaqartoq sanaartornissaminik kissaateqarsimavoq. Kommunimut pilersaarummi Qeqertarsuatsiaanut sukumiisumik aalajangersaasoqarsimanngimmat, ingerlatsiviup qinnuteqaat Nunaqarfimmi aqutsisunut tamanullu tusarniaassutigineqartussanngorlugu ingerlateqqippaa. Piffissami tusarniaaviusumi tusarniaanermut akissutit marluk tiguneqarput, taakku aappaat Nunaqarfimmi Aqutsisuneersuuvoq, aalisakkerivimmik kissaateqanngitsunit. B-157-ip eriagisariaqartutut inissisimatinneqarnera pillugu suliaq ingerlanneqarpoq, taannalu Nunaqarfimmi Aqutsisunit paaseqqaarusunneqarpoq. B-157 nunaminertap qinnuteqarfigneqartup saninnguani inissisimavoq. Tusarniaanermi



akissuteqaatigineqartup aappaanit oqaatigineqarpoq sumiiffimmi aalisartut aalisakkerivik tapersersunngikkaat.

Ulloq 22. februaari 2022 kommunalbestyrelsimit immikkoortup ilaa pillugu §32 malillugu unitsitsisoqarpoq (Inatsisartut inatsisaat nr. 17, 17. novembari 2010-meersoq naapertorlugu). Tassa imaappoq, kommunimut pilersaarummut tapiliussap nutaap suliarineqarnerata nalaani nunaminertat illuliornermillu suliarinninneq ukiup ataatsip missaani unitsinneqassasoq. Inerteqquteqarnerup qulakkiissavaa pilersaarummi nutaami anguniarneqartunut akerliusunik pilersitsisoqannginnissaa.

Innuttaasunik ataatsimiititsineq 22.06.22

Kommunimut pilersaarummut tapiliussassatut matuma suliarineranut atatillugu Qeqertarsuatsiaani innuttaasunik ataatsimiititsisoqarpoq ulloq 22.06.22, tassani innuttaasut 20-t missaanniittut peqataapput.

Ataatsimiinnermi erseqqissarneqarpoq innuttaasut Qeqertarsuatsiaani aalisakkeriveqalernissaa kissaatigigaat, kisianni sumiiffimmut atassuteqartinneqarpat aatsaat. Peqatigitillugu Qeqertarsuatsiaani innuttaasunit B-157-ip eriagisassatut inissisimaannarnissaa kissaatigineqarpoq. Ataatsimiinnermi innuttaasut arlallit immikkoortup ilaata 19B1-ip ilaatigut nunniorlugu malinnut akimmiffissatut, puttasunut kiisalu talittarfiup tallissutissaanut atorneqarnissaa kissaatigineqarpoq. Suliniutissat arlallit matumani kommunimut pilersaarummut tapiliussami nunaminertatigut periarfissaqarput.

Kommunimut pilersaarummut tapiliussaq

Inuussutissarsiateqarfiusinnaasut allilerneqarneri Qeqertarsuatsiaani periarfissat annertusarneqassasut ingerlatsivik naliiivoq. Ingerlatsiviup taamaalilluni Qeqertarsuatsiaani inuussutissarsiateqarfiit taakku marluk ataatsimoortillugit pilersaarusiortigineqarnissaat toqqarpaa.

Taamaalilluni kommunimut pilersaarummut tapiliussassatut 19B1 Qeqertarsuatsiaat kitaani Inuussutissarsiorfittut umiarsualiveqarfimmullu kiisalu 19B2 Qeqertarsuatsiaat avannaani Inuussutissarsiorfittut umiarsualiveqarfimmullu tunngavoq. Kitaatungaani immikkoortup ilaa 19B1, ilaneqassaaq katillugu 3,2 ha missaannik annertussuseqalissaaq aamma immikkoortup ilaa avannarleq, 19B2 ilaneqassaaq katillugu 0,6 ha missaannik annertussuseqalissaaq.

Kommunimut pilersaarummut tapiliussami immikkoortut inuussutissarsiornermut - aamma umiarsualiveqarnermut atuuffiisa aalajangiusimaneqarnissaat aamma taakkua piffissamut naleqquttumik ineriartortinneqarnerannik qulakkeerinninneq. Siunnersuummi immikkoortup ilaata 19B2-p annertusitinneratigut immikkoortup ilaani inuussutissarsiornermut atuuffiit ataatsimoortinneqarlutik annertunerulersinneqarnissaat periarfissaalissaaq. Taamaalillunilu immikkoortup ilaani tassani ataasiinnarmik aalisakkeriviliortoqarsinnaavoq.

Immikkoortup ilaanut 19B1 siunertat aamma tunngavittut periutsit:

- Immikkoortup ilaa annertusineqassaaq nunaminertaq katillugu 3,2 ha..missaannik annertussuseqalersillugu
- Nutaamik nunniukkat / malinnut assiaqutinik marlunnik nutaanik pilersitsinissamut nunaminertaliisoqassaaq
- Angallatinut inissiisarfinnut puttasunik nutaanik pilersitsinissamut nunaminertaliisoqassaaq
- Umiarsualiviup allinissaanut nunaminertaliisoqassaaq



Immikkoortup ilaanut 19B2-mut pilersaarummut siunertat aamma tunngaviit:

- Immikkoortup ilaa kimmut annertusineqassaaq nunaminertaq katillugu 0,6 ha..missaanik annertussuseqalersillugu
- Umiarsualiviup allineqarnissaanut nunaminertaliisoqassaaq
- Inuussutissarsiuteqarfinnik sanaartorfissiamik atugassiisoqassaaq

Sillimaffigisassaq

Ullumikkut immikkoortup ilai 19B2-mi aalisakkeriveqarpoq. Ingerlatsiviup erseqqissaatigaa, oqartussaaffeqarfinit assigiinngitsunit qerititsivinni nillartaatsivinnilu amoniakimik akulinnik peqarnera nutaamik eqqumaffigineqalersoq. Eqqumaffigisassat tamakkua suliasaqarfimmi sanaartornermi suliamik ingerlatsinermi eqqumaffigisassanut ilaatinneqartariaqarput. Tusarniaanermut piffissarititaasumi oqartussaasunit attuumassutilinnit oqaaseqaatinik nalilersuinermillu aallertoqassaaq.

Ingerlatsiviup kommunimut pilersaarummut tapiliussatut siunnersuummut atatillugu suliffeqarfiit najukkami pigiliunneqartut pillugit kissaatigineqartoq sillimaffiginngilaa, kikkut suliffeqarfinnik pilersitsisinaanersut pillugit ingerlatseqatigiiffiit pillugit inatsit innersuussutigalugu.

Immikkoortut ilaannut 19B1 aamma 19B2 siusinnerusukkut kommunimut pilersaarutitut tapiliussanik suliaqartoqarsimangilaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat akuersissutigineqarpoq.

Ilanngussat

1. Tusarniaanermut akissutininik suliaqarnek
2. Tusarniaanermi akissutit tiguneqartut
3. Kommunimut pilersaarummut tapiliussaq 19B1-1 aamma 19B2-1 Qeqertarsuatsiaani Inuussutissarsiorfik umiarsualiveqarfittullu immikkoortortat
4. Suliasamik saqqummiussineq nunaminertamik 22.02.2022 qinnuteqarnek pillugu

Punkt 11: 2023-mi Pilersaarusionermi periusissatut siunnersuut

Beslutning

Inassuteqaat akuersissutigineqarpoq.

Bilag

Pilersaarusionermut periusissamut siunnersuut 2023 – Sermersooq, najugaqarfigissallugu pitsaasoq

Tungaviusumik nalunaarut



2023-mi Pilersaarusiornermi periusissatut siunnersuut

Sermersooq, najugaqarfigissallugu pitsaasoq

Aalajangiiffigisassaq

SagsID: EMN-2022-01694

Sanarfinermut Avatangiisinullu Ingerlatsivik - pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- 2023-mi Pilersaarusiornermi periusissatut siunnersuut akuereqqullugu – *Sermersooq, najugaqarfigissallugu pitsaasoq*
- Kommunalbestyrelsimut akuersissutigisassanngorlugu ingerlateqqinneqassasoq, sapaatip-akunnerini qulini tamanut tusarniaassutigineqarnissaa siunertaralugu

Suliassamik saqqummiussineq

Matumuuna Sanarfinermut Avatangiisinullu Ingerlatsiviup 2023-mi Pilersaarusiornermi periusissiaq saqqummiuppaa – *Sermersooq, najugaqarfigissallugu pitsaasoq.*

Pilersaarusiornermut inatsimmi § 34 naapertorlugu Kommunalbestyrelsip kommunimut qinigaaffiup siulliup naannginnerani (imaappoq kingusinnerpaamik 2023-mi apriliip qiteqqunnerani)

Pilersaarusiornermut periusissamik tamanut saqqummiussaqaassaaq. Periusissiami allaaserineqassaaq, siunissami kommunimut pilersaarusiornermi suut qitiutinneqassanersut.

Pilersaarusiornermut periusissiami allaaserineqassapput, pilersaarusiornermut periusissiap kingullermik nutarterneqarneraniilli susoqarsimanersoq aammalu ukiuni sisamani tulliuttuni Kommunalbestyrelsi sunik sammisaqarniarnersoq, taannalu periarfissat makku pillugit aalajangiiffiussalluni:

1. kommunimut pilersaarut tamarmi iluarsaanneqassasoq
2. kommunimut pilersaarummi sammisami ataatsimi amerlanerusuniluunniit iluarsaassisoqassasoq
3. kommunip nunataani sumiiffiit ilaannut iluarsaassisoqassasoq
4. kommunimut pilersaarut ukiuni sisamani atuuttussanngorlugu nutamik akuerineqassasoq

Ingerlatsivimmit pilersaarusiornermut periusissami uani innersuutigineqarpoq *kommunimut pilersaarummi sammisami ataatsimi amerlanerusuniluunniit iluarsaassisoqarnissaa akuersissutigeqqullugu.*

Kommunalbestyrelsip 2022-mi novembarip ulluisa 28-anni ataatsimiinnerani workshoppertitsisoqarpoq, tassanilu pilersaarusiornermut periusissiaq ingerlatsivimmit saqqummiunneqarluni, ilaatigullu pilersaarusiornermut periusissiaq P23-imut suliniuteqarfissatut nutaatut isumassarsiortoqarlunilu siunnersuusiortoqarpoq. Taakku pilersaarusiornermut periusissiami matumani ilanngunneqarput.

Aagqiissutissatut siunnersuut – suliatigut naliliineq

Pilersaarusiornermut periusissiaq 2023 – *Sermersooq, najugaqarfigissallugu pitsaasoq* piujuartitsisumik ineriartortitsinermi pingasuusunik tunngaveqarpoq tassaasut,



anigaasaqarnikkut, inooqatitaanikkut avatangiisitigullu piujuartitsineq. Kommunimut pilersaarutip iluarsaateqqinnissaanut siunnersuutit taakku pingasuusut pingaarnertut naleqartitatut siunnersuutigineqarput.

Pingaarnertut naleqartitat ingerlatsinissami qitiutinneqartussat arfiniliusut makkuupput:

1. Tamanut inissiat pitsaasut
2. Meeqqanut inuusuttunullu inuuneq pitsaasoq
3. Sullivimmi inuunerissuuneq
4. Sunngiffimmi inuuneq pitsaasoq
5. Attaveqaatit pitsaasut
6. Ataatsimoorerit pitsaasut

Qitiutillugit suliaqarfissat ataasiakkaat tamarmik siunertani iliuutsinilu uuttorneqarsinnaasumik piviusunngortinneqassapput. Taamaasilluni pilersaarusionermut periusissaq siunissami suliaasaqarfinni qitiutitani ataasiakkaani siuarsaanermi uuttortaanissamat tunngavissiissaaq.

Anguniakkani iliuuserisassat Naalagaaffiit Peqatigiit nunarsuarmi anguniagaanut tunngatitaapput, taamaasilluni Kommuneqarfik Sermersuumi qanoq piujuartitsinermik suliaqartarnerput minnerunngitsumillu siuariaataasunik angusaqartarsimanitta uuttorneqartarnissaanut takussutissiamik pilersitseqqittoqassaaq.

Pilersaarusionermut periusissaq nunarsuarmi anguniakkanut makkununga tunngatinneqarpoq:

- 3 Peqqissuseq atugarissaarnerlu
- 4 Ilinniartitaaneq pitsaassusilik
- 5 Suaassutsit akornanni naligiinneq
- 6 Imeq minguitsoq atortulersuutillu
- 8 Suliffiit pitsaasut anigaasaqarnerlu inerikkiartortoq
- 10 Naligiinnginneq annikinnerusoq
- 11 Illoqarfiit inuiaqatigiillu piujuartitsiffiusut
- 16 Eqqissineq, naapertuilluarneq sullissiviillu patajaatsut
- 17 Suleqatigiinnikkut anguniagaqarneq

Tunngaviusumik nalunaarusiaq suliarineqartareerpoq, tassani pilersaarusionermut periusissap qanoq suliarineqarnera allaaserineqarluni. Tunngaviusumik nalunaarusiattaq imarivaa immikkoortut inatsisinik tunngavillit, tassani ilaapput:

- kommunimut pilersaarutip nutarterneqarnerata kingulliup killiffia
- siunissami ineriartortitsinissamat apeqqutit pingaarnertit allaaserinerat
- periusissiami nutaami kingornagullu kommunimut pilersaarummi sammeneqartussat nutaat pillugit innersuussut

Ingerlatsiviup Pilersaarusionermut periusissiaq P32 atorlugu toqqarpaa ataatsimoortumik allaaserisaqarniarluni, ingerlatsivinni tamani ulluinnarni sulinerneq atugassatut tigussaasutut atorneqartussamik. Allatut oqaatigalugu allaaserisaq tassaassaaq, kommunip sumut ingerlaniarneranik pilertortumik nassaassaqarfiusoq, taamaalillunilu siunissami immikkoortunut pilersaarusionermi tunngaviliisuususaalluni.

Kommunalbestyrelsip suleqatigiinnissamik isumaqatigiissutaani (*Kommuneqarfik Sermersooq - kommune illoqarfittut pingaarnersaq siuariartorfiusoq*) kommune suli assigiinngisitaarnermut



inissaqartitsinera pingaartinneqassaaq, kikkulluunniit tikilluaqqusaasutut misigissapput taamaasilluni ilaqutariit ilusilersugaanerat inuillu ukiui apeqqutaatinnagit tikilluaqqusaallutik. Kommuneqarfik Sermersooq najugaqarfittut tamanut pitsaasuusaaq.

Kommunimut pilersaarummi digitaaliusumi Sermersooq2032.www.kp.sermersooq.gl-imi Kommuneqarfik Sermersooq pitsaasumik pilersaarusiornermut sakkussa qarpoq, kommunip pingaarnertut ineriartornissaanut ikorfartuutaasumik. Taamaattumik Sanarfinermut Avatangiisinullu Ingerlatsiviup ataatsimiititamat innersuussutigaa, qitiutitassat nutaat kommunimut pilersaarummi periusissiami ineriartortitsinissamat ilanngunneqassasut aammalu Nutarternissaanik aalajangernissami allaaserineqartutut kommunimut pilersaarummi suliniutigineqartussat ilaasa nutarterneri kisimik suliarineqassasut.

Aallunniagassatut suliniutissatut nutaatut siunnersuutigineqartut immikkoortut killilersukkanut ataasiakkaatut pilersaarutiniit kommune tamakkerlugu periusissiornermi pilersaarusiornermut tunngasuupput. Suliassat amerlasuut ingerlatsiviit arlallit akornanni suleqatigiissutiginerisigut suliarineqassapput, allallu Sanarfinermut Avatangiisinullu Ingerlatsiviup iluinnaani suliarineqassallutik.

Ingerlariaqqinnissaq

Siunnersuut sapaatip-akunnerini qulini tamanut tusarniaassutigineqassaaq.

Matumani Pilersaarusiornermut periusissiaq 2023 *Sermersooq, najugaqarfigissallugu pitsaasoq* inaarutaasumik akuersissutigineqarpat Pilersaarusiornermut periusissiaq P18 atorunnaarsinneqassaaq.

Ilanngullugu siunnersuutigineqarpoq Pilersaarusiornermut periusissiaq una akuersissutigineqarpat *Piujuartitsilluni ineriartorneq pillugu Nunarsuarmut anguniakkat atorunnaarsinneqassasoq* periusissiap kommunimit piviusumik iliuuserineqartunut naapertuukkunnaarnera pillugu.

Ingerlatsivimmit aningaasatigut sulisoqarnikkullu naliliinerit

Pilersaarusiornermut periusissiamut siunnersuutip suliarineqarnera ingerlatsiviup pilersaarutaasa ataavartut ilagivaat aammalu ukiut marluk nalingisa missaani suliaalluni.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr 17, 17 november 2010-meersoq
- Inatsisartut inatsisissaat nr 34, 9 december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat akuersissutigineqarpoq.

Ilanngussat

1. Pilersaarusiornermut periusissamat siunnersuut 2023 – Sermersooq, najugaqarfigissallugu pitsaasoq
2. Tunngaviusumik nalunaarut

Punkt 12: Kommunimut pilersaarummut tapiliussassatut siunnersuut 1C26-2 Hotel Tuapannguit, Nuuk, pillugu tamanut tusarniaaneq

Beslutning

Inassuteqaat akuersissutigineqarpoq, imatut ilassuteqaatilerlugu: Kommunimut pilersaarummut tapiliussassatut siunnersuutip sapaatip akunnerini arfinilinni tamanut tusarniaassutigineqarnissaa siunertaralugu akuerineqassasoq.

Bilag

Kommunip pilersaarutaanut tapiliussamut siunnersuut 1C26-2, Hotel Tuapannguit, Nuuk



Kommunimut pilersaarummut tapiliussassatut siunnersuut 1C26-2 Hotel Tuapannguit, Nuuk, pillugu tamanut tusarniaaneq

Aalajangiiffigisassaq

SagsID.: EMN-2023-01130

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 1C26-2 Hotel Tuapannguit, Nuuk, akuerineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup kommunimut pilersaarummut tapiliussatut siunnersuut 1C26-2 Hotel Tuapannguit, Nuuk, matumuuna saqqummiuppaa.

Aallaqqaasiullugu ingerlatsiviup erseqqissaatigissavaa immikkoortumut kommunimut pilersaarummut ilassut atuuttoq 2018-imeersuusoq, *Nuuk nutaamik pingaarnertut aaqqissuunneqarnerata* ilaatut. Immikkuualuttoq taamaallaat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannanngitsumilluunniit 100 procentimik pigineqartunut ineriartortitsinermut piginneqatigiiffiusunit atorneqarsinnaavoq pisortatigut siunertanut atugassatut siunertanulluunniit namminersortunut. Erseqqissarneqarpoq tamanna siunertaajunaartoq taamaattumik aalajangersakkat nutaat maanna siunnersuutitut saqqummiunneqartut.

Matumani siunnersuummi immikkoortup siunertanut C-nut atorneqarnissaa aalajangersarneqarpoq, takornariaqarnerup iluani unnuiffissatut periarfissat inuussutissarsionermut tunngasut siunertaralugit. Tassunga atatillugu atuuffiit allat soorlu neriniartarfiit, ataatsimeersuartarfiit ilaalu ilanngullugit sananeqarsinnaapput taakku unnuap qeqqata kingorna eqqaani najugaqartunut nipiliornermik akornusersuissanngippata.

Immikkoortup ilaa illoqarfimmut qanittumi inissiaqarfiit akornanni inissisimavoq, taakkulu suli pilerinartuussapput.

Immikkoortup sanaartorfigineqarnissaanut piumasaqaatit sukannernerusut ingerlatsiviup oqaaseqatigiinngortippai, taamaalilluni Tuapannguanit avataanut immamullu isikkivik qulakkeerneqassammat. Illoqarfiup illuliorfigineqarnerunera ilutigalugu, immamut, qaqqamut avataanullu isikkivik pingaaruteqaleraluttuinnarpoq. Taamaattumik piumasaqaat tamanna kommunimut pilersaarummut ilassummut allanneqarpoq sumiiffiup nutaamik atorneqarnissaanut piumasaqaatitut. Akerlianik sumiiffiup ilaani arfineq marlunnik quleriilimmik sanasoqarnissaanut periarfissiisoqassaaq.

Kommunimut pilersaarummut tapiliussami aalajangersarneqarpoq, sissaq sinerlugu aqqutip allanngortinnissaa ajornarunnaartillugu, tamanna suliniutissanut iluaqutaassappat. Taamaattoq pingaaruteqarpoq sissaq sinerlugu aqqut ajornerulissanngitsoq aamma pingaaruteqarpoq taassuminnga atuisut takulluarsinnaassagaat sukcut qanorlu ingerlavimmit ingerlavimmut apuuttoqassanersoq. Sanaartukkamut ilanngullugu attaviup ilanngunneqarnissaa ajornanngilaq.

Ingerlariaqqinnissaq

Siunnersuut tamanut tusarniaassutigineqassaaq sapaatip akunnerini arfinilinni.

Matumani Kommunimut pilersaarummut tapiliussassatut siunnersuutip 1C26-2 akuersissutigineqarneratigut kommunimut pilersaarummut tapiliussaq 1C26-1 atorunnaarsinneqassaaq.

Kommunimut pilersaarummut tapiliussaq akuerineqareerpat nunaminertaq qinnuteqarfigineqarsinnaasunngorlugu nalunaarutigineqassaaq. Tamanna naatsorsuutigineqarpoq 2023-mi septemberip qeqqata missaani.

Tassunga atatillugu ingerlatsiviup erseqqissaatigaa, nunaminertami pilersaarutinut qinnuteqaatinik arlalinnik tigusaqartoqartoq taamaattumik nunaminertaq assut soqutigineqassasoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat akuersissutigineqarpoq.

Ilanngussat

1. Kommunip pilersaarutaanut tapiliussamut siunnersuut 1C26-2, Hotel Tuapannguit, Nuuk

Punkt 13: Nuummi akunnittarfiit inissisimaffii

Beslutning

Inassuteqaat akuersissutigineqarpoq.

Inissisimaffissani siunnersuutit aappaat "Saqqarliit" Siumumit itigartitsissutigineqarpoq.

Bilag

Akunnittarfiit inissisimaffissaattut siunnersuut

Nuummi akunnittarfiit inissisimaffii

Inissiivissanik siunnersuuteqarneq periusissiarlu

Aalajangiiffigisassaq

SagsID.: EMN-2022-09179

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- innuttaasunik peqataatitsinissaq siunertaralugu periusissatut siunnersuut aamma inissisimaffissatut siunnersuutit akuersissutigineqassasut
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit Nuummi akunnittarfiit inissisimaffissaat pillugit siunnersuut matumuuna saqqummiunneqarpoq. Ingerlatsivimmit siunnersuutigineqarpoq, inissisimaffinnut arlalinnut periusissat assigiinngitsuussasut, tamannalu pilersaarummi pissutsinik pioreersunik ilaalu ilanngullugit tunngaveqarpoq.

Akunnittarfinnut inissisimaffissatut siunnersuutigineqartut soqutigisaqaqatigiit assigiinngitsut siunnersuuteqarnerisigut kiisalu alutornassuseqartutut naleqarneri aamma isertunut misigisaqartitsinnaaneri minnerunngitsumillu illoqarfimmut ataqatigiissarneqarnissaa tunngavigalugit saqqummiunneqarsimapput. Ingerlatsivimmit erseqqissaatigineqarpoq, takornarialerinemik ineriartortitsineq illoqarfiup innuttaasullu ineriartortinneqarnerat naapertorlugu pissasoq. Taamaattumik inissisimaffissatut siunnersuutigineqartut tamarmik immikkut piukkunnaateqarput.

Oqaluttuassartaa

Ingerlatsivik akunnittarfiit inissisimaffissaannut tunngasumik politikikkut suliarineqarnissaannut atatillugu innuttaasunik akuutitsinissamik decembarimi siunnersuuteqarpoq. Tamatuma kingunerisaanik paasinarsivoq, Sulisitsisuni brancheni ataatsimiititaliap suliamut akuutinneqanngitsooqinagami erumasooq. Tamatuma kingunerisaanik brancheni ataatsimiititaliaq ingerlatsivimmiit ataatsimeeqatigineqarpoq, tunngaviatigut kissaatigineqarmat illoqarfimmi akunnittarfinnik amerlanerusunik pilersitsinissamik periarfissaqarnissaq. Suliamut tunngasoq tusagassiutitigut sammeneqarnerani najukkami nunaniillu tamalaaneersunit soqutigisaqaqatigiinnit Nuummi akunnittarfiornissamik kissaateqarlutik oqariartuuteqartunit ingerlatsivik attavigineqartalersimavoq.

Tamanna tunngavigalugu akunnittarfinnut inissisimaffissat periusissiarlu iluarsissuteqarfiginerinut ingerlatsiviup tungaaniit siunnersuusiortoqarpoq, tamannalu uani allaaserineqarpoq:

Siullermik inissisimaffissat arfinillit siunnersuutigineqarsimapput, taakkunannga sisamat Nuummiipput, ataaseq mittarfiup eqqaani aamma ataaseq Qinngutsinni. Siusissukkut akuutitsineq, tamakkiisumik naliliinerit aamma takornariaqartitsinerimut piukkunnassuseqarnerat tunngavigalugit inissisimaffiit toqqarneqarsimapput. Ataatsimiititami suliarineqarneranut atatillugu inissisimaffinnik ataasiakkaanik toqqaanissaq toqqaannginnissarluunniit periarfissaavoq.

Tamarmik immikkut piukkunnaateqartut nalilerneqarpoq, kisianni ingerlatsiviup ilisimaaraa inissisimaffiit tamakkerlutik neqerooruteqarfigineqarnissaat nalorninartortaartoq.

Inissisimaffiit 1, 2, 3 aamma 6 innuttaasut akuutinniarlugit saqqummiunneqarput, innuttaasut soqutigisaqaqatigiillu allatut inissisimaffissamulluunniit tunngasunik siunnersuosiornissamut periarfissaqartillugit. Siunnersuutit immikkoortuni pineqartuni pilersaarutitut allanut ingerlatsiviup tungaaniit sanilliunneqassapput, tamatumalu kingorna politikikkut aalajangiiffisassanngortinneqassallutik. Immikkoortuni pilersaarusiornissamik qinnuteqarnissamut periarfissiisoqassaaq imaluunniit pilersaarummut tapiliussaliortoqarsinnaalluni siunissami sanaartorsinnaanissamik periarfissiisussamik. Siunnersuutip inernissaanut tunngatillugu akuutitsineq qanoq kinguneqassanersoq apeqqutaassaaq.

Inissisimaffik 4 Tuapannguit isuatungaaniittoq immikkut saqqummiussaliaralugu politikikkut suliassanngortinneqassaaq, siunnersuutigineqarluni sumiiffik septembarip qiteqqunnerani atorneqarsinnaanngornera nalunaarutigineqassasoq, tassa politikikkut aalajangiineq apeqqutaalluni.

Inissisimaffik 5 pillugu siunnersuutigineqarpoq, mittarfimmi akuersissummik pigisaqartoq suleqatigalugu immikkut kommunimut pilersaarummut tapiliussaliortoqassasoq tamatumalu kingorna nunaminertaq nalunaarutigineqarluni. 2024-p aallartinnerani pisinnaassasoq naatsorsuutigineqarpoq.

Innuttaasunik akuutitsineq

Innuttaasut, soqutigisaqaqatigiit inuussutissarsiortullu illoqarfiup ineriartortinneqarneranut peqataanissaat pingaaruteqarpoq, aamma kommunimi pilersaarusiornermi najukkami pissutsit qanoq ittuunersut pillugit ilisimasaqarnissaaq pingaaruteqarluni. Taamaattumik ingerlatsiviup, siunissami allaffissornikkut sulinermini inissisimaffissat avammut saqqummiunneqarneritut atatillugu akuutitsinermi siunnersuutit tiguneqartut ilanngullugit suliarissavai. Ingerlatsivik ataatsimiititamat ilisimatitsillattaassaaq.

Ingerlatsivimmit aningaasatigut sulisoqarnikkullu naliliinerit

Qulaani pineqartunik suliaqarnermi sulisoqarnikkut qanoq sunniuteqarumaarnerannut suliniutit qassit nalilersorneqassanersut apeqqutaassapput.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq

Siusinnerusukkut aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat akuersissutigineqarpoq.

Ilanngussat

1. Akunnittarfiit inissisimaffissaattut siunnersuut

Punkt 14: Kommunitut pilersaarummut tapiliussap 2B1-2 Industrivej, Nuuk inaarutaasumik akuersissutiginninneqarnera

Beslutning

Inassuteqaat akuersissutigineqarpoq.

Bilag

Kommunitut pilersaarummut tapiliussaq 2B1-2 Industrivej, Nuuk



Kommunimut pilersaarummut tapiliussap 2B1-2 Industrivej, Nuuk inaarutaasumik akuersissutiginninneqarnera

Aalajangiiffigisassaq

SagsID.: EMN-2022-08751

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussaq 2B1-2 Industrivej, Nuuk akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussaq 2B1-2 Industrivej, Nuuk, matumuuna saqqummiunneqarpoq. Kommunimut pilersaarummut tapiliussaq 2B1-2 Industrivej, Nuuk siunnersuutitut piffissami 8. februaari – 22. marsi 2023 tamanut tusarniaassutigineqarpoq. Piffissami tassani tusarniaassummut akissuteqanngilaq, taamaattumillu allannguuteqartoqanngilaq.

Immikkoortup ilaa 2B1 7,6 ha. miss. kangerliumanermiippoq, nunniugaq kimmuk quassugaq, (2C2 Issortarfik), avannamut sanaartorfiunngitsaq aamma kangimut (2D3 Nuussuup Manngua) kiisalu illoqarfiup ilaanut Nuussuaq killigalugit. Immikkoortup ilaa atuuffinnik assigiinngitsunik peqarpoq, ilaatigut inuussutissarsiuteqartunut sullissisuullutillu innuttaasunik aamma sullitaqartunik. Immikkoortoq inuussutissarsiutinut siunertanut tassa peqqumaasiveqarfittut, sannaveqarfittut, biileerniarfittut, angallassinermut aammalu siammarterinermut, suliffeqarfinnut ataasiakkaanut, allaffeqarfinnut aamma aalajangersimasunik nioqquteqarnermut atorineqartussatut aalajangersagaavoq.

Kommunimut pilersaarut innersuussutigalugu tapiliussaq una immikkoortup ilaanut pilersaarummik nutarterineruvoq, inuussutissarsiuteqarfittullu atuuffianik attassinissamut kiisalu piffissamut naleqquttumik ineriartortitsinissap qulakkeerneqarnissaa siunertaavoq.

Kommunimut pilersaarut 2032 naapertorlugu inuussutissarsiuteqarfinnik pisariaqartitsineq matussuserneqassaaq qorsooqqissut ajornerulersinnagit. Tamatuma imaraa attaviit pioreersut tikinneqarsinnaaneri ersarissuunerilu atuutiinnassasut.

Pilersaarummi siunertat tunngaviillu:

- Nunaminertat arlallit akornanni sanaartorfissat ataatsimoortinneqarnissaat periarfissiissutigineqassasut
- Sanaartorfissanik atugassiinissaq, sisamanik quleriilinnik sanaartornissamut periarfissaqarfiusunik
- Angallannikkut isumannaatsuunissap qulakkeernissaa aamma pisuinnaat assigisaallu immikkoortukkoorsinnaanerisa pitsaanerulernissaa, tassungalu ilanngullugu Nuussuup Mannguani aqqusineeqqat pitsaanerulersinneqassapput
- Nakkutilliisunut illut immikkoortumi pilersinneqarnissaanut periarfissaq atorunnaarsinneqassasoq

Kommunimut pilersaarummut tapiliussap nutarternerani immikkoortoq eqeersimaartumik ingerlanneqarnerullissaaq illoqarfimmilu pisariaqartitsineq tunngavigalugu ineriartortitsisoqarnissaa qulakkeerneqarluni.



Maanna atuuppoq kommunimut pilersaarummut tapiliusseq 2B1-2 kommunimut pilersaarut 2B1-1 atorunnaarsinneqarpoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat akuersissutigineqarpoq.

Ilanngussat

1. Kommunimut pilersaarummut tapiliusseq 2B1-2 Industrivej, Nuuk

Punkt 15: Pilersaarutitut siunnersuutip Nuna Immikkoortoq Nutaaq inaarutaasumik akuersissutigineqarnera

Beslutning

Inassuteqaat amerlanerussuteqartunit (IA, N aamma S) akuersissutigineqarpoq, imatut oqaaseqaatitalerlugu: Avataq A/S-miit pilersaarutitut siunnersuutitut saqqummiunneqartut nunaminertamik allamik periarfissaasinnaasumik ingerlatsivimmiit oqaluuneqarnissaat amerlanerussuteqartunit kissaatigineqarpoq.

Inassuteqaat ikinnerussuteqartunit (D) itigartitsissutigineqarpoq.

Bilag

Tusarniaanermut akissutininik suliaqarneq

Tusarniaanermi akissutit tiguneqartut

Allatut pilersaarut, Avataq ApS-imut Pilersaarutitut qinnuteqaat

Naliliinissamut immersuiffissaq, Avataq ApS

Pilersaarutitut qinnuteqaat Nuna nutaamik pilersaarusiortiffissaq

Pilersaarummik piginnittup allagartai, Nunataaq

Naliliinissamut immersuiffissaq, Nunataaq

Pilersaarutitut qinnuteqaatinik ingerlatsineq

Pilersaarutitut qinnuteqaatit misissuiviat

Inatsisartut inatsisaat nr. 34, 9. december 2015-imeersoq

Siornatigut pilersaarummik qinnuteqaammut, Avataq ApS, itigartinneqarsimasumut suliassamik saqqummiussineq

Umiarsualivimmik ineriartortitsineq



Pilersaarutitut siunnersuutip Nuna Immikkoortoq Nutaaq inaarutaasumik akuersissutigineqarnera

Aalajangiiffigisassaq

SagsID: EMN-2022-06079

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- pilersaarutitut qinnuteqaat Nuna pilersaaruseriorfiusoq akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Matumuuna Sanarfinermut Avatangiisinullu Ingerlatsivik, pilersaarummik piginnittoq Grønlands Maritime Center aamma Jens Salling sinnerlugit, Nuna nutaamik pilersaaruseriorfigineqartoq pillugu saqqummiussivoq.

Pilersaarummik piginnittut immikkoortup ilaata 2B5 nunniorneqarnissaa kissaatigivaat tassanilu:

- nunaminertani imarsiornermik ilinniarfiit isumannaallisaanermut pikkorissaanermut illuliortoqassaaq
- annanniutinut atortunut ikaartarfik
- nunaminertanilu illut aalisakkeriviup sullissineranut aamma sakkunut atortussanullu inissiivissatut atorpeqartussat

Nuna Immikkoortoq Nutaaq tamanut tusarniaassutigisassanngorlugu sapaatit akunnerini arfineq-pingasuni piffissami 07.12.2022-01.02.2023-p tungaanut saqqummiunneqarpoq. Tusarniaanerp inglerlanerani innuttaasunik paasissutissiineq Katuami ulloq 24.01.2023 ingerlanneqarpoq, innuttaasut 10-t missaat takkupput. Piffissami tusarniaaffiusumi tusarniaanermut akissuteqaatit sisamat pissarsiarineqarput, taakkulu ilaat ataaseq allannguuteqartitsineramik kinguneqarpoq, aammalu ataaseq allatut pilersaarummik nassiussaqluni. Allatut pilersaarummik nassiussisuuvoq Avataq ApS (pilersinneqalersoq), siusinnerusukkut pilersaarutitut qinnuteqaammik 2021-mi nassiussinikuusoq. Allatut pilersaarutitut siunnersuut ataani allaaserineqarpoq.

OBS

Ilanngullugu Ingerlatsivimmit erseqqissaatigineqarpoq, immikkoortup ilaa 2B5, sumiiffik pilersaaruseriorfigineqareermat aamma kommunimut pilersaarummut tapiliussami pioreersumi sukumiisumik aalajangersagaqareermat, taamaalillunilu qinnuteqaat pilersaaruseriornermut inatsimmi killiliussat iluaniinnani. Kommunimut pilersaarummut tapiliusaaq atuuttoq 2018-imi immikkoortinneqarpoq *Nuuk Nutaamik Pingaarnertut Aaqqissuunneqarnerata* ilaatut. Immikkoortoq ullumikkut inuussutissarsiornermi, nioqqutissiornermi halitut ittunut siunertalinnut atugassanngortitaavoq. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannanngitsumilluunniit 100 procentimik pigineqartunut ineriartortitsinermut peqatigiiffiusunik atorneqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

Ingerlatsivimmit innersuussutigineqarpoq, kommunimut pilersaarummi tapiliussami immikkuualuttoq 2B5-imut atuutsinneqartup atorunnaarsinnissaa, umiarsualiveqarnermut attuumassutilimmik inuussutissarsiut inglerlatsivimmit tapersorsorneqarusummat.

Pilersaarummut nunaminertamik inniminniinissamut umiarsualiveqarnermi oqartussaasunit akuerineqaqqaarnissaa piumasaqaataavoq aamma soqutigisaqaqatigiinnit pilersaarut



akissaqartinneqarnissaanik qularnaveeqquserneqarsimassaaq. Tamatuma saniatigut sumiiffimmi erngup pitsaassusia misissuiffigineqassaaq tusarniaanermi akissuteqaat pissarsiarineqartoq tunngavigalugu.

Umiarsualivimmik ineriartortitsineq

Aallaqqaasiullugu ingerlatsiviup erseqqissaatigissavaa ukiuni kingullerni Nuummi umiarsualiviup ineriartortinneqarnissaannut assigiinngitsorpasuarunik pilersaaruteqartoqartarsimasoq. Ineriartortitsineq taanna pillugu ilanngussaq 12-imi takussutissiaq ilanngunneqarpoq.

Pilersaarutitut siunnersuut Nuna Immikkoortoq Nutaag

Pilersaarutitut siunnersuut Nuna nutaamik pilersaarutorfik 2,6 hektaritut annertussuseqarpoq. Taakkunannga 2,1 ha-ip missaaniittoq nunaareerpoq nunniugarlu 0,5 ha-íulluni.

Imarsiornermik Ilinniarfimmit kissaatigineqarpoq, imarsiortunut Nuummi neqeroorutigineqassasoq:

- imarsiortunik pikkorissaanernik aamma sillimaniarnermik ilinniartitsisarnissamik Neqeroorut taama ittoq maanna Paamiuniinnaq nassaassaavoq, tassani atortorissaarutit pisoqalisimapput kiisalu Danmarkimi

Jens Salling kissaateqarpoq:

- nunaminertanik aamma aalisakkeriviup illutassaanik pilersitsinissamik
- atortunut sakkunullu inissiivissamik iluarsartuussivissamillu atugassamik

Matumani assartuinerimi piffissamik annikillisaanissaq, atortunik nungullarsaataannginnerusoq, pigisanik torersuutitsinissaq mingutsitsinnginneruneq aamma illoqarfimmi nunaminertat siunertanut allanut atorneqarsinnaaniassammata.

Pilersaarutitut siunnersuummi siunnersuutigineqarportaaq:

- puttasuliinissaq aamma imaani annaassiniutinut atortuinullu inaalitsivissamik ungalusalimmik immikkoortuliornissaq, tamatuma atornissaa Nuummi Qatserisartunut, Politiinut aamma Mittarfeqarfiit/ Kalaallit Airports atuinissamik neqeroorfigineqassallutik

Pilersaarummulli atortuni piviusorsiorturnik suleqatigiinneq saqqummiunneqanngilaq pilersaarummilu tassunga tunngasortaa takorluugaannaavoq.

Ingerlatsiviup nalilerpaa, pilersaarut immikkoortup ilaata pingaarnertut anguniagaanut tulluurtuusoq aamma kommunimut pilersaarummi inuussutissarsiuteqartut atanerannut pitsaanerulersitsissasoq. Pilersaarummili pilersaarutissatut siunnersuutip avannaatungaani immikkoortumik atuisinnaatitaanermik pisariaqartitsisoqarpoq, angallatinut mikinernut pituttortarfiit aalajangersimasut allanut nuuttariaqarmata.

Avatangiiseq illuliortaaserlu

Pilersaarutitut siunnersuummi sanaartorfissanik pingasunik atugassiisoqarpoq, ataaseq imarsiornermik annaassiniarnermillu ilinniakkanut marlullu illuliassanut aalisakkeriviup sullissineranut atortuusivissatut taakkulu allaffeqarfissaannut atugassat. Naatsorsuutigineqarpoq sanaartorfissat sisamaat, netstationeqarfissaq annertunngitsoq, pisariaqartinneqalerumaartoq. Tamanna Nukissiorfiit suleqatigalugit aalajangiiffigineqartussaavoq.

Illut iluseqartinneqarnerat inuussutissarsiutinut atorneqaqqajuttut aamma quersuarunut sanaarineqartartut malillugit pissapput. Immikkoortumi tassani avatangiiserineqartut, illut assingusut tamaaniittut, malillugit tulluussarneqassapput.

Avatangiiseq piujuartitsinerlu

Pilersaarutitut siunnersuummi nukissiutit nutaaliat atorneqarnissaat ilaanngilaq pilersaarummilu silap pissusianut akornutaanngitsunik atortoqarnissaq aamma takuneqarsinnaanani.



Pilersaarummi atortussat annerusumik ujaraapput ujaraaraallutillu qaartiternerlukuneersut, sequtsernikut imaluunniit Nuup eqqaani imaanit pisut.

Allamik pilersaarutitut siunnersuut Avataq ApS

Qinnuteqartoq suliffeqarfiuvoq pilersinneqarluni aallartisartoq, taamaattorli KM-L ApS-imi misilittagaqartoq. Qinnuteqartoq immikkoortup ilaani 2B2 / 2B5-imi – Qeqertani avannaatungaani, assigiinngitsunik pilersitserusuppoq, taakku tamarmik siunertanut assigiinngitsunut atorneqassallutik 13,15 ha-tut annertutigisumut agguataagaassallutik. Pilersaarutissatut siunnersuummi pingaarnertut siunertat arfiniliupput, taakku tamarmik attuumassuteqartunik assigiinngitsunik atortulersugaassapput. Pingaarnertut siunertaq:

- Umiatsialivik puttasullu
- Atoqqitassaasivik
- Atortussanik betonimik kuitsiviliorfik
- Biilini inissiisarfik isumannaallisagaq
- Inissiigallartarneq

Qinnuteqartup oqaatigaa assersuutigalugu Kofoed Skole-mik suleqateqarnissamik kissaateqarluni, tamannali siunniussaagallaavoq, sulimi siunniussamik nalunaaruteqartoqaraniluunniit suleqatigiinnissamik isumaqatigiissuteqartoqarnikuunngilaq. Qinnuteqartup aamma kommunimik suleqateqarnissap saniatigut sumiiffimmi atorluaaneq qanoq pissanersoq pillugu naatsorsuuteqarnermik nassuiaataa tamakkiisuunngilaq. Immikkoortup ilaanut 2B2 Nuummi Containereqarfik talittarfimmut tunngatillugu immikkoortup ilaaniittunut malittarisassaqaareerpoq immikkuualuttunik, matumani immikkoortup ilaa D, tamaani sanaartorfissanik immikkoortitsisoqareerluni. Pilersaarutitut qinnuteqaammi immikkoortup ilaani D-mi biilini inissiisarfimmik pilersitsisoqarnissaa siunnersuutigineqarpoq aammalu angallateeqqanut talittarfimmut atatillugu iluarsaassisarfiliortoqarnissaa. Qinnuteqaat suliareqqitassanngorlugu akuersissutigineqarpat, pilersaarutip ilaa taanna nutarterneqassaaq.

Inerniliineq

Ingerlatsiviup innersuussutigaa kommunimut pilersaarummut tapiliussa 2B5-1 atorunnaarsinneqassasoq, allatut pilersaarut ”Avataq ApS-imum pilersaarutitut siunnersuut” itigartitsissutigineqassasoq aammalu pilersaarutitut siunnersuut ”Nuna Immikkoortoq Nutaaq” inaarutaasumik akuersissutigineqassasoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmit erseqqissaatigineqarpoq, pilersaarummik piginnittup kommunimut pilersaarummut tapiliussap suliarinissaanut aammalu ilaatigut VVM-istik misissuineq kiisalu atortunut, sanaartorfissagissaanermut sanaartormilulu aningaasartuutissat tamaasa nammineq akilissagai.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviummik uppersaartitalit

- o Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- o Inatsisartut inatsisissaat nr. 34, 9. december 2015-imeersoq
- o Kommunimut pilersaarut digitaliusoq www.kp.sermersooq.gl
- o Umiarsualiviit pillugit Inatsisartut inatsisissaat nr. 9, 3. juni 2015-imeersoq

Siusinnerusukkut aalajangiinerit

Sanarfinermut Avatangiiisnullu Ataatsimiititaq, 27.04.23:

Inassuteqaat amerlanerussuteqartunit (IA, N aamma S) akuersissutigineqarpoq. Inassuteqaat ikinnerussuteqartunit (D) itigartitsissutigineqarpoq.

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Allatut pilersaarut, Avataq ApS-imut Pilersaarutitut qinnuteqaat
4. Naliliinissamut immersuiffissaq, Avataq ApS
5. Pilersaarutitut qinnuteqaat Nuna nutaamik pilersaarusiortiffissaq
6. Pilersaarummik piginnittup allagartai, Nunataaq
7. Naliliinissamut immersuiffissaq, Nunataaq
8. Pilersaarutitut qinnuteqaatinik ingerlatsineq
9. Pilersaarutitut qinnuteqaatit misissuiviat
10. Inatsisartut inatsisaat nr. 34, 9. december 2015-imeersoq
11. Siornatigut pilersaarummik qinnuteqaammut, Avataq ApS, itigartinneqarsimasumut suliasamik saqqummiussineq
12. Umiarsualivimmik ineriartortitsineq

Illoqarfimmi immikkoortup sumiiffianut kommunimut pilersaarummumt linki:

<https://kp.sermersooq.gl/da/aalajangersakkat-aamma-malittarisassat/illoqarfik-nunaqarfik-aamma-illoqarfimmut-pilersaarutit/nuuk/2b5-da/>

Punkt 16: Nuup illoqarfiani sumiiffik aqquserngillu taaguusersorneqartussat

Beslutning

Inassuteqaat akuersissutigineqarpoq.

Bilag

Qeqertanut Ikaartarfillu

Hestit inaata tungaanut aqqut

Nuup illoqarfiani sumiiffik aqquserngillu taaguusersorneqartussat

Aalajangiiffigisassaq

SagsID.: EMN-2023-01233

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Qinnngutsinni hestit inaata tungaanut aqquserngup aqqa Qallussuaq-p eqqaaniittoq ima ateqalissasoq "Qallusuup Ataa" akuersissutigineqassasoq
- Iggiaa Avannarleq, Nuussuup eqqaani ikaartarfiup aqquserngata aqqa "Qeqertanut" akuersissutigineqassasoq
- Qeqertat tungaanut ikaartarfiup atserneqarnissaanut tunngatillugu Sumiiffiit Aqquserngillu Taaguutaannik Siunnersuisoqatigiit innuttaasunik peqataatitsinermik suliniuteqarnissaat akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sumiiffiit Aqquserngillu Taaguutaannik Siunnersuisoqatigiit 2022-mi maajip ulluisa 18-ianni aqquserngit marluk aqqi oqaluuseraat. Innuttaasut apeqquteqarnerannit siunnersuutaannillu aqqit pissarsiarineqarput.

Sumiiffiit Aqquserngillu Taaguutaannik Siunnersuisoqatigiit siunnersuut oqaluuseraat imalu oqaasertalerlugu inassuteqaateqarput:

Immikkoortoq hiistit inaannik "Viska horses" sanaartorfiusimasoq tatsip Qallussuup eqqannguniippoq, tassa qaqqaq naqqani tatsip kujataaniippoq. Sumiiffiit Aqquserngillu Taaguutaannik Siunnersuisoqatigiit immikkoortup sumiiffiup aqqanut atasinnaasumik aqquserngup atserneqarnissaa inassuteqaatigaat.

Iggiaa Avannarliup eqqaani ikaartarfiliornermut atatillugu aqqusineq "Qeqertanut" ilaqqinneqarpoq, tassa Nuussuarmi sullorsuarmiit umiarsualiveqarfiup Sikuki Harbourip tungaanut.

Sumiiffiit Aqquserngillu Taaguutaannik Siunnersuisoqatigiit pissutsit oqaluuseraat, imalu oqaasertalerlugu inassuteqaateqarput: Sumiiffiit Aqquserngillu Taaguutaannik Siunnersuisoqatigiit aqqusineq nutaaq aqqusinermit pioreersumut ilassutitut isigaat. Tamanna tunngavigalugu aqqusinertaaq aqqusinertut pioreersutut "Qeqertanut" atserneqarnissaa siunnersuutigineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Siusinnerusukkut aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat akuersissutigineqarpoq.

Ilanngussat

1. Qeqertanut Ikaartarfillu
2. Hestit inaata tungaanut aqqut

Punkt 17: Sumiiffiit Aqquserngillu Taaguutaannik Siunnersuisoqatigiinnut ilaasortanik qinersineq

Beslutning

Inassuteqaat akuersissutigineqarpoq.

Bilag

Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Sumiiffiit Aqquserngillu Taaguutaannik Siunnersuisoqatigiinnut ilaasortanik qinersineq

Aalajangiiffigisassaq

SagsID.: EMN-2023-01577

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Sumiiffiit Aqquserngillu Taaguutaannik Siunnersuisoqatigiinnut ilaasortassatut inassutaasut akuerineqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Kommunalbestyrelse 2018-imi apriliip ulluisa 10-anni Kommuneqarfik Sermersuumi Sumiiffiit Aqquserngillu Taaguutaannik Siunnersuisoqatigiinnik pilersitsisoqassasoq aalajangerpoq. Sumiiffiit Aqquserngillu Taaguutaannik Siunnersuisoqatigiit Nuummi inissisimapput aammalu suliat Nuup avataanut tunngasut suliarineqassatillugit sumiiffinni najukkani ataatsimiititalianik peqataatitsisarlutik. Siunnersuisoqatigiit Kommunalbestyrelsimut, sumiiffiit aqquserngillu taaguutaannik aalajangiisartumut aqputissiuussisupput.

Siunnersuisoqatigiit ileqqoreqqusaat naapertorlugit siunnersuisoqatigiit arfinilinnik ilaasorta qarput, ukiuni marlunni ilaasortaasussatut Kommunalbestyrelsimut qinerneqartartunik.

Qinigaaqqittoqarsinnaavoq. Sumiiffiit Aqquserngillu Taaguutaannik Siunnersuisoqatigiit inissitsiternerminni siulittaasumik siulittaasullu tullianik toqqaassapput.

Maannakkut ilaasortaasut maajip ulluisa 3-anni 2021-mi qinerneqarput, taamaattumillu siunnersuisoqatigiinni ilaasortanik maannakkut qinerseqqittoqassalluni. Ileqqoreqqusat naapertorlugit Sanarfinermut Avatangiisinullu Ingerlatsivik siunnersuisoqatigiinni ilaasortassanik Kommunalbestyrelsimi akuerineqartussanik innersuussuteqassaaq.

Ilaasortanik arfiniliusunit tallimat nalunaarput siunnersuisoqatigiinni ingerlaqqikkusullutik. Lisathe Møller oqaasiliortuneersoq tunuarniarluni kissaateqarpoq.

Siunnersuisoqatigiit sulinerat ataavartuutinniarlugu ingerlatsiviup inassuteqaatigaa, maannakkut ilaasortat tallimaasut ukiuni marlunni ingerlaqqittussatut innersuussutigineqassasut. Peqatigitillugu ingerlatsiviup innersuussutigaa, siunnersuisoqatigiinni oqaasiliortuniit ilaasortaataqarnissaq pingaaruteqartoq, taamaattumillu Arnamineq Abelsen oqaasiliortuniit Lisathe Møller taarserlugu ilaasortanngussasoq innersuussutigalugu. Arnamineq Abelsen qinigassanngortinniarluni ingerlatsivimmuut nalunaarnikuuvoq.

Ilaasortassatut inassutigineqartut:

- Frederik Holm, Illussanik Titartaasartoq Nuummilu innuttaq (Qinigaaqqittussatut)
- Johannes Heilmann, NAPP sinnerlugu ilaasorta q (Qinigaaqqittussatut)
- Jakob Mølgaard, sunngiffimmi pinialuttartut peqatigiiffiat sinnerlugu ilaasorta q (Qinigaaqqittussatut)
- Hans Lange, Nunatta Katersugaasiviani Museumsinspektør (Qinigaaqqittussatut)

- Tittus Dalager, Sanarfinermut Avatangiisinullu Ingerlatsivik sinnerlugu ilaasorta (Qinigaaqqittussatut)
- Arnamineq Abelsen, Oqaasiliortuni AC-fuldmægtig (Ilaasortassatut nutaatut)

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Siusinnerusukkut aalajangiinerit

Sanarfinermut Avatangiisinullu Ataatsimiititaq, 27.04.23:

Inassuteqaat imatut oqaaseqaatilerlugu akuersissutigineqarpoq: Ataatsimiititaq tulliani Tunumit Paamiunillu ilaasortanik peqataatitaqarnissamik kaammattuivoq.

Ilangussat

1. Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Punkt 18: Paamiuni illut tuniniarneqartut pisiarinissaanut siunnersuut

Beslutning

Siunnersuut isummerfigineqannginnerani Ingerlatsivimmut misisugassanngorlugu ataatsimiitamilu kingusinnerusukku aalajangiiffigineqarnissaa siunertaralugu ingerlateqqinneqarpoq.

Paamiuni illut tuniniarneqartut pisiarinissaanut siunnersuut

Ataatsimiititami ilaasortap Dorthe-Marie Mogensen-Fontainip (S) Aningaasaqarnermut Inuussutissarsiornermullu Ataatsimiititamut siunnersuutaa

Aalajangiiffigisassaq

SagsID.: EMN-2023-01729

Inassuteqaat

Ataatsimiititami ilaasortap Dorthe-Marie Mogensen-Fontainip (S) Aningaasaqarnermut Inuussutissarsiornermullu Ataatsimiititamut siunnersuutaa

- siunnersuut ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliassamik saqqummiussineq

Ataatsimiititami ilaasortap Dorthe-Marie Mogensen-Fontain (S) 13. aprili 2023-mi aalajangiiffigisassatut siunnersuummik Aningaasaqarnermut Inuussutissarsiornermullu Ataatsimiititamut nassiusaqarpoq.

Dorthe-Marie Mogensen-Fontainip kissaatigaa, Aningaasaqarnermut Inuussutissarsiornermullu Ataatsimiititap Paamiuni illunik pisinissamat periarfissaq eqqartussagaa.

Tunngavilersuut:

”Paamiuni Illut tuniniarneqartut suliffimmut atatillugu inssiassatut pilersinneqarnissaat siunnersuutigerusuppara. Inissaaleqineq pissutigalugu illut tuniniarneqartut iserit ataanut pisiarinqarnissaannut siunnersuuteqarpunga taamaasilluni suliffimmut atatillugu inssiatus atortussanngortissinnaallugit. Taamaasiornikkut sulisussarsiornermi iluaqutaassammattaaq. Illut tuniniarneqartut pisiarinissaannut misissuinissaq aalajangiiffigisassatut siunnersuutigaa.”

Siunnersuut qanoq aningaasaliiffigineqassava?

”Missinngersuusiornissamat tullermut ilanngunneqassaaq.”

Inatsisitigut tunngavissaq allakkallu tunngaviumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliap oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliap aalajangiiffigisassatut siunnersuutaagaangat atuutissaaq.

Ilanngussat

Soqanngilaq.

Punkt 19: Paamiunut akisussaaffimmik tunniussinissaq pillugu siunnersuut - ikiorsiissutit, utoqqalerisut, innarluutilerisut tulleriissaarinermilu ataatsimiititaliaq

Beslutning

Siunnersuut taamatut isikkoqartillugu itigartinneqaraluatoq, tunngaviatigut taperseqarmat, siunnersuut illoqarfinnut nunaqarfinnullu tamanut tunngatillugu akisussaaffiit suut iluatsittumik nuunneqarsinnaaneri pillugit oktobarip qaammataa tikitsinnagu misissuinissaq siunertaralugu ingerlatsivinnut tamarmiusunut ingerlateqqinneqarpoq.

Paamiunut akisussaaffimmik tunniussinissaq pillugu siunnersuut - ikiorsiissutit, utoqqalerisut, innarluutilerisut tulleriissaarinermilu ataatsimiititaliaq

Ataatsimiititami ilaasortap Dorthe-Marie Mogensen-Fontainip (S) Aningaasaqarnermut Inuussutissarsiornermullu Ataatsimiititamut siunnersuutaa

Aalajangiiffigisassaq
SagsID.: EMN-2023-01737

Inassuteqaat

Ataatsimiititami ilaasortap Dorthe-Marie Mogensen-Fontainip (S) Aningaasaqarnermut Inuussutissarsiornermullu Ataatsimiititamut inassutigaa:

- siunnersuut ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliassamik saqqummiussineq

Ataatsimiititami ilaasortap Dorthe-Marie Mogensen-Fontain (S) 13. aprili 2023-mi aalajangiiffigisassatut siunnersuummik Aningaasaqarnermut Inuussutissarsiornermullu Ataatsimiititamut nassiusaqarpoq.

Ataatsimiititami ilaasortap Dorthe-Marie Mogensen-Fontainip (S) Aningaasaqarnermut Inuussutissarsiornermullu Ataatsimiititami ikiorsiissutinut, utoqqalerisunut, innarluutilerisunut tulleriissaarinermilu ataatsimiititaliamut tunngatillugu akisussaaffiup tunniunneqarnissaanik periarfissat eqqartorneqassasut kissaatigaa.

Tunngavilersuut:

” Innuttaasunik kiffartuussineq pitsaanerpaanissaanut anguniagaqartuuvugut. Tamannalu kommunerujussuup nassatarisaanik Nuup avataaniilluni assigiinngitsorpasuartigut annertuumik sunnerneqarnikuuvoq. Taamaattumik oqartussaaffimmik innuttaasunut sullissivimmi Paamiuni aalajangiiffigineqarsinnaalluartut akisussaaffimmik utertitsivigineqarnissaanik aalajangiussassamik siunnersuuteqarpunga. Innuttaasunut sullissineq pitsanngortinniarlugu. Sulisut sullarissut piginnaasamikkut pikkorisorsuit allakkisartuunnartut inissisimalersimanerat unitsinneqassaaq taamaasilluni.

- Uani ikiorsiissutinut tunngasunik utaqqissussisarneq minnerpaaffissaminiilernissaanut tunngatillugu ikorsiisarnikkut (ydelsesafdeling) Paamiuni suliarineqarsinnaalluartut akisussaaffik oqartussaaffillu aalajangiisinnaassuserlu tunniunneqarnissaa.
- Utoqqalerisut tassa utoqqarnut suliassaqartunut qanimut sullissineq pitsaasoq aalajangiissuseqalernissaat akisussaaffimmik tigusinissaat tunniunneqarnissaa.
- Innarluutilerisut aalajangiiffigisinnaasaat utertinneqassasut, ima paasillugu aalajangiisinnaassuseqalissasut sullitaminnut tunngatillugu.
- Visitationsudvalg uani utoqqaat illuinut nuuttussat nuummiit sullinneqartarnerat iluemoorsinnaanngilaq. Pissutsit qanimut sullissineq ingerlanneqarnissaa pitsaanerpaassasoq isumaqarpunga. Aalajangiisinnaasut suleqatigiillu Paamiuniittut pilersinneqarsinnaanissaat aalajangiiffigineqassasoq.

Ukunani piginnaatitsinermut aalajangiinissaq pingaaruteqartorujussuuvoq pitsaasumik sullissisinnaanissatsinnut Paamiuni. Sulisut piginnaasaqarluartut atorluarnissaat aamma siunertaammat.”

Siunnersuut qanoq aningaasaliiffigineqassava?

” *Missinngersuusiornissamat tullermut ilanngunneqassaaq.*”

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussat
Soqanngilaq.

Punkt 20: Lukket

Punkt 21: Lukket

Punkt 22: Lukket

Punkt 23: Lukket

Punkt 24: Lukket

Punkt 25: Lukket

Punkt .: Tamalaat

Beslutning

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.56.